


西昌縣志



西昌縣志

卷首

上諭

卷一

星宿分野圖

建置沿革

疆域

山川

公署

祠廟

古蹟

土產

錢糧

學校

流寓

兵制

職官題名

選舉

藝文

輿地圖

城垣

形勢

橋梁

汛署

寺觀

風俗

祥異
地理人事

田賦

書院

仙釋

舖遞

仕宦

土司

首卷

上諭

乾隆五十九年八月十六日奉

上諭福康安奏籌辦錢法暫停鼓鑄並於甯遠府收買小錢設爐改鑄一摺已交軍機大臣會同該部速議具奏矣據摺內稱川北一帶民間行用俱係局鑄大錢而錢價總未加昂到省後與孫士毅當面講求總由川省水陸交衝各省商販往來錢文類多夾雜自平定金川以後百貨通行小錢更覺充斥等語所奏固係就川省情形而論但小錢滋弊之由究由於


各省局買將官錢私行減小額外多鑄小錢希圖贏餘肥索以致流行各省日積月多而雲貴四川為尤甚若商買販運夾雜使用為數能有幾何即游惰小民於僻靜處所私行鑄化亦屬有限何至如此充斥是竟由官局偷減分兩多鑄圖利其弊顯然而督撫等又以錢局為美缺往往將信用私人派令管理使之得有羨餘以致輾轉效尤竟成銅弊若此時加以究辦事隔年以恐督撫等無一人得免咎戾者是以寬其既往勉以自新今川省應發兵餉及武職養廉等項既以銀兩湍支則銀兩流通錢價自可日漸增長該省鼓鑄竟當

停止而福康安仍請於甯遠設爐四座將買小錢另行改鑄
仍不免為地方官預留津潤地步又據稱川省甯遠重慶等
處均與滇黔交界私鑄奸民往往乘間販運若查禁不嚴必
至漸滋偷漏等語福康安此次具奏之時尚未接奉調任雲
貴諭旨是以在川言川今福康安已調雲貴總督則滇黔皆
其所屬川省小錢既由該二省私鑄運往其應如何設法嚴
禁俾不至流行川省以期杜絕弊源之處正可悉心籌畫務
盡根株而川省查禁小錢孫士毅本係原辦之人尤應實力
督辦俟和甯到任後再行據實認真督辦伊等三人先後接
手同心妥辦自可期淨盡無弊至甯遠一帶沿用小錢據福
康安奏若於收買後運至省城改鑄脚價費重勢有難行擬
於甯遠府設爐改鑄俟收買淨盡即行撤局等語此事亦暫
可如此辦理補偏救弊但設局開爐最易滋弊所派道府等
未必可恃林儁出身本屬寒微因其平日辦事尚知出力是
以加恩擢任臬司今甯遠府設局改鑄一事竟當專委林儁
實心經理並著林儁自行酌量如能常駐在彼親自督率固
屬甚善倘不能常駐在彼或於空間時往來稽察務使收買
小錢設爐改鑄等事弊絕風清方為妥善林儁受恩深重自


當倍加勉力盡心查辦此後若能認真整頓肅清積弊將小
錢收繳淨盡俾該處不留萌蘖著有成效朕必加以恩施倘
不能實力妥辦致局鑄仍前滋弊小錢依舊夾雜必將伊從
重治罪斷不稱貸又據福康安奏川省地方情形據稱該處
無籍游民易於滋事現飭地方官認真偵緝從重究治遠近
均知斂跡等語川省民情强悍從前囑匪等往往肆行滋事
全在平日嚴行禁捕方不至故智復萌今據福康安飭屬嚴
拏均知斂跡和甯到任後惟當一體嚴行督飭有犯必懲以
期地方甯謐和甯平日辦事俱能用心精細於此等事自必

稽查嚴密辦理同安以副委任也將此各諭令知之欽此


四川星宿分野圖



通省志分野分赤道南北二圖未免東西互易因思天體上
 浮必舉之於上自下仰視之庶部位各得其所故合而為一




兔宿全圖



井宿全圖



西昌縣地輿圖







卷一

皇朝文獻通考

井宿

井八星增星十七黃道赤道在鶉首宮距西北星去極九十度五十一分去參宿距星十度三十六分

井主水衡法令中平之事物之平者莫如水故營國制城畫野分州皆取象焉東井一曰天府一曰東陵一曰天井一曰天門一曰天渠一曰天候一曰天齊一曰天池主水泉亦為天之南門日月五星貫之為中道又主酒食女主之象主三

公之位為天之亭候主水衡法令之所取平也八星三十一度為水患為行舟在氣為木在肖為犴圖書編

皇朝文獻通考

鬼宿

鬼四星增星十八黃道赤道在鶉火宮距西南星去極九十度四十八分去井宿距星三十度二十七分

與鬼五星天目也主視明察姦謀東北星主積馬東南星主積兵西南星主積布帛西北星主積金玉 晉書天文志

鬼三度為淫辭為妖孽在氣為金在肖為羊其餘氣為暗金圖書編



北極高度

各省日出入晝夜時刻俱以本處之北極高處立算四川北
極高三十度四十一分成都北極出地三十一度半

欽定歷
象考成

東西偏度

各省節氣時刻皆以京師為主視各省東西之偏度加減之
四川偏西一十二度十六分則減四十九分零四秒

欽定歷
象考成

大清一統志四川省分野

甯遠府并鬼分野鶉首之次

西昌縣志略 道光五年

建置沿革

禹貢梁州南裔漢初為邛都國地元鼎六年開置越雋郡屬益州後漢因之三國屬漢晉亦曰越雋郡徙治會無縣太安二年改屬甯州咸甯八年還屬益州劉宋還治邛都齊曰越雋獠郡而縣廢尋沒於獠梁時常開置雋州尋復陷沒後周天和五年置西甯州尋曰嚴州隨開皇六年置越雋縣為雋州越雋郡治唐武德元年復曰雋州三年置總管府尋改為中都督府督羈縻十六州屬劍南道至德二載為土番所據

貞元中復之太和五年陷於南詔徙治台登咸通中為蒙詔所據立城曰建昌府宋時羈縻屬於大理元憲宋時內附至元十二年為建昌路總管府又設羅羅斯宣慰司統之明洪武十五年置建昌府屬四川布政使司後廢府改建昌衛二十七年又置建昌前衛皆為行都司治萬歷三年省前衛入建

昌衛

皇朝康熙八年仍曰建昌衛屬建昌監理廳置總兵鎮之雍正六年裁衛改甯遠府置西昌縣為附郭首縣以建昌左所中前所禮州守禦所併入為縣治

城垣

明洪武中建土城宣德二年甃以磚石高二丈三尺底厚三丈六尺頂厚二丈周圍九里三分共一千四百四十四丈八尺建四門東曰安定南曰大通西曰甯遠北曰建平乾隆四年奉文修補五年告竣城外西北一帶有濠淤塞水入城者三一由白塔寺後城角堰溝入一由湧泉庵後城邊堰溝入一由城東北角千佛寺後堰溝入

疆域

縣治附府郭東至金沙江交雲南永善縣界七百七十里南至興馬坎交會理州五里牌界一百七十五里西至安甯河交鹽源縣界三十里北至深溝塘交冕甯縣界九十五里

形勢

東連烏蒙西距吐番南接中慶北鄰西蜀 元統志
地據西南咽喉衝要之處 同上

山清水秀田地膏腴 上 捍蔽三川咽喉六詔

山川

木托山在縣東二十里元治順初羅羅斯首撒加伯等合諸蠻軍攻建昌守將躍里帖木兒追戰於木托山下敗之後改為木托長山下有營汎

鹿角山在縣東一百十里山峰尖削狀如鹿角

涼山在縣東北一百三十里羣峰差峩四時多寒近松坪賦乃之界

螺髻山在縣東南四十五里其山高聳頂如螺髻上有螺髻寺四時積雪

瀘山在縣南十五里西近古瀘州故名山勢雄壯下臨印池巴洞山在縣南一百八十里去德昌所八十里

落腰山在縣西南二百六十里東西高而中凹蠻人因呼為落腰

馬鞍山在縣西南二十里兩峰並聳形如馬鞍

呂金坡在縣西十里昔有土酋呂金居此

天王山在縣西十五里上有天王廟

青山在縣北三十里上有松林四時蒼翠一名青柯山

礪山在縣南十里瀘河環流其下

祿馬山在縣西四十里

旄牛山在縣西南三十里連大小西番絲互六七百里高出雲表古稱西戎地瀘若二水俱發源山下瀘水出東北若水出西南

磨旗山在縣北四十里

青龍山在縣東三十里邛池東澣相傳有一石浮邛池水面東走漁人舁之上山至半山墜地不能動乃建青龍寺右有香水泉天旱祈雨取水每有靈應

高崖子在縣西三十里土百戶所居

瀘沽峽在縣北百里南北長五里兩山壁立峽深百餘丈濶不盈尋孫水流其中淙淙有聲岸上有觀音巖

孫水在縣西十五里一名安甯河一名長河又曰白沙江即古孫水也自冕甯縣北發源南流經冕甯縣東又南至縣西又南經會理州西合若水

溫水在縣東北一作熱水源出熱水塘流入安甯河

懷遠河在縣東自東北山箐流出西流繞城東向南流從孟獲城內入南合甯遠河至安甯渡入合安甯河

甯遠河在縣西北自東北山箐流出繞西流南會懷遠河入

流入安甯河

邛河在縣東南自瀘山溪箐發源流至礪山寺下合懷遠河
高橋河在縣東南六十里其南有落腰河又南有梁山河皆
發源涼山夷界西南入安甯河

海子在縣東十五里其水澄澈浩濶如海多產嘉魚
瀑布并在縣南三十里自山頂流下狀如白練

橋梁

南門橋在縣南門外市井通衢

海門橋在縣南十里邛池水界口

懷遠橋在縣南三十里

祿馬橋在縣東南八十里

富山橋在縣西南十里

甯遠橋在縣西一里

瀘川橋在縣西十里

龍溪橋在縣北八十里龍溪驛前有龍溪索橋在縣東四百
里為東出昭通之道

接耳渡在縣西四十里

白跳河在縣西龍溪七十里

公署

會府在城內府教授府經歷兩署之中先係錢局
萬歲牌供在

關帝廟道光八年伊羽將軍長擒獻回逆張格爾 詔加

關帝封號曰威顯鎮府議以

萬歲牌宜另供別所遂改錢局為

會府

甯遠府署在城東門內

西昌縣署在城內南街舊建昌衛署

府學教授署在城內西街典史署北

縣學教諭署在城內南街縣署西側明建昌衛學後燬

國朝雍正六年裁為西昌縣學八年知縣李倬重建

府經歷署在城內西街典史署北

縣丞署在城北五十里禮州

典史署在城內縣署西北

巡檢署在城南一百二十里德昌所

庫獄俱在縣署內

常平倉在城內西北隅古白塔寺

養濟院在城西門外

營署

建昌總鎮署在城北門內

建昌鎮中營署在城內南街

建昌鎮左營署在城內東街

建昌鎮右營署在城東門內

中營守備署在縣署後

左營守備署在城內東南湧泉街

汛署

額設

冕山汛在縣城西一百六十里

虐郎汛在縣城南四十里

娘子庄汛在縣城東北三十里今廢

定番汛在縣城東南三十里

馬蝗山汛在縣城西北三十里

缸碓汛在縣城南三十里

廟角營汛在縣城南三十里

溪龍汛在縣城北七十里

新設

普格汎在縣城東一百九拾里

交脚汎在縣城東二百四拾里

蓋銀窩汎在縣城東一百四拾里

三披橋汎在縣城西南二百四拾里

崩土坎汎在縣城南四拾里

拖郎汎在縣城西六十里

祠廟

文廟在城內南街

崇聖祠在文廟後殿

名宦祠在文廟東

鄉賢祠在文廟西

忠義祠在文廟門東

節孝祠在文廟門西

蒼聖宮在文廟左側

文昌廟在城內南街道光七年紳耆李際泰等重修

關帝廟在城內西街

府城隍廟在城內西街

縣城隍廟在 府城隍廟左側

火神廟在城西門內

龍神祠在城東門外

社稷壇在城南二里許 道光四年因祭時逢雨輒無拜處前修涼亭
三間環以圍牆西昌縣知縣徐連建

風雲雷雨山川壇在城西二里許

先農壇在城東五里許

厲壇在城北二里許

土主廟在城西南十里 前有泉水出焉建一石題曰奇
龍漱玉明揚升庵題

天王廟在城西十五里天王山

寺觀

武侯祠在城西關道光二年知府陳崇禮重修

三清觀在城內南街縣署西元至正時建

白塔寺在城內西北隅引西北水入城濟用處

西來寺在城西門內

千佛寺一名青龍寺在城內東北隅引東北水入城濟用處

湧泉庵一名過水庵在城內東南隅引東南水入城濟用處

發蒙寺在城內西白塔寺前唐貞觀初建 相傳石爐中石子
每當瀘山寺敲擊

晚鐘其石跳躍不止

東山寺在縣城東南十里

王母殿在瀘山去城十里

光福寺即瀘山大佛寺在縣城南十里唐天祐間建明勅賜光福寺亦名瀘山寺

正統間賜名大佛寺國初肅賢王題曰青蓮淨土王名富玉色在瀘山之腰係七佛道場旁有古栢一株枝葉如蓋垂蔭丈餘樹下有仙脚石前有望海樓下臨邛池為遊覽之勝景文人多留題焉

景淨寺在縣西北宋咸平時建

隱溪庵在縣南十五里元時建

靈應庵在縣東南三十里元時建

青龍寺在縣東三十里邛池東岸旁有泉取水祈雨輒應

螺髻寺在縣東南四十里

觀音巖在北山

古蹟

武侯城 在都司城南三十里瀘水東蜀漢諸葛武侯築所謂
五月渡瀘即此處又孟獲城在城東二里孟獲所築
即五侯擒獲之地又善住城在城東南二十里

新安城在縣南 一統志唐開元中所置後廢咸通五年南詔
寇雋州戍將顏慶復請築新安邊戎二城從

之旋陷於南詔唐志雋州有新安三阜沙野蘓祁堡塞羅山
西瀘蛇勇邊戎九城皆戍守要地按唐會要西川節度半蒙
於蠻界築新要城以邊戎寇又有保塞城在縣之西南亦唐
所置咸通五年西川保奏塞城使杜守連不從南詔帥衆詣黎州降即此

舊德昌府在縣南元置明廢 元志德昌路軍民府漢印都縣
元至元九年內附十二年立定昌路以本部為昌州二十三
年罷定昌路併入德昌路治本州葛魯城明統志改德昌路
為府二十五年廢府置德昌千戶所屬建昌衛在衛南一百
四十里廢府在所南

舊昌州在縣南 元志初烏蠻阿屈之裔浸強用祖名為屈部
其孫烏則至元九年內附十二年改本部為
昌州兼領普濟威龍隸定昌路二十三年罷定昌路并隸德
昌路明統志洪武中改屬建昌衛又改州為長官司在衛南
二百里按史長官司在永樂二年

舊德州在縣南 元志德昌路德州在路之北其地今名吳越
甸城曰荳龍所居蠻豈即以遠祖名部曰賴
緹憲宗時內附至元十二年立千戶十三年改為德州隸德
平路二十三年改隸德昌舊志明初亦為德州後廢在德昌
所西北境瀘水西十五里明統志謂在都司城西二十五里
漢蘓兀縣地誤

廢普濟州在縣西南 元志普濟州在德昌路西北夷名玠甸
獯魯蠻世居之後屈部至元九年隨屈

部內附十五年於玠甸立定昌路二十三年路革改隸德昌
明統志洪武中改為長官司在建昌西南二百四十里

廢威龍州在縣東南 元志威龍州在德昌路西南夷名巴翠
部領小部三一曰沙窩普宗二曰烏孫

泥祖三曰媧諾龍葛蒲背據魯蠻種也至元十五年合三部立
威龍州隸德昌明統志洪武中改為長官司在建衛東南四百里
廢里州在縣東元志建昌路領里州唐隸雋州都督蒙詔時
元十年效順隸烏蒙十八年設千戶二十三年升軍民總管
府二十六年罷為州明統志州在都司城東三百里國初因
之後廢

廢潤州在縣東南元志建昌路領潤州治密納甸古無城邑
以名為都號後訛為潤至三十七世孫斐羅內附至元九年
設千戶二十六改為州明統志州在都司城東南四百里
國初因之後廢

廢隆州在縣東南與會理州接界元志建昌路領隆州在路
唐會川縣之西北蒙氏改會川為會同西南與漢邛都縣接壤
府驗其後驗主揚大蘭於驗北塏上立城曰大隆城即今州

治也至元十三年內附十四年設千戶十七年改隆州按舊
志在廢隆州在會川衛北二十里去會川太近疑誤

越雋廢縣今縣治一統志隨置越雋郡治唐為舊州治元和

雋州又經沙野二百六十里至羌浪驛又經楊蓬嶺百餘里

至俄準館楊蓬之南為南詔境元志懿宗時立建昌府領建

安永甯二州至元九年平建常分建昌府為萬戶二又置千

戶二十五年割建鄉城四村及建常四村立室安州十六年

分建昌為二州在城曰建安東郭曰永甯二十六年革保安

州以其鄉村屬建安州舊志明洪武二十五年改置建昌衛

軍民指揮使司二十七年又置前衛皆為行都司萬曆三年

併前衛入之

邛都廢縣在縣東南古西夷邛都國也史記西南夷傳自滇

都最大漢書司馬相如傳唐蒙已畧通夜郎時邛笮之君長

請吏比南夷帝問相如相如曰邛笮冉駹者近蜀道易通異

時常通為郡縣矣至漢興而罷今誠復通為置縣愈于南夷
帝乃拜相如為中郎將史畧定西南夷邛笮冉駹斯榆之君

皆請為臣妾除邊關隘斥西至沫若水南至牂牁為徽通
靈山道橋孫水以通邛笮西南夷傳相如既往諭為置一都
尉十餘縣屬蜀數歲罷元狩元年又令王然于等間出西南
夷求身毒道及且蘭君反乃發兵誅且蘭君以邛都為越雋
郡後漢書西南夷傳更始二年邛人長貴攻殺郡守枚根自
立為邛穀王又降於公孫述建武十四年遣使上計授越雋
太守十九年劉尚擊益州夷路由越雋長貴欲襲擊尚尚即
分兵先據邛都掩長貴誅之華陽國志邛之初有七部後為
七部營軍後又有四部新叟章懷太子後漢書註邛都故城
在今越雋縣東南

蘓元廢縣在縣北漢置屬越雋郡後漢因之曰蘓和後漢書
傳永平末有蘓初叟二百餘人送太守張翁喪蜀志蘓初邑
君冬逢叛張嶷討誅之即此華陽國志晉省劉宋復置曰蘓
初蕭齊又省後周復置隋曰蘓祇唐仍曰蘓初屬雋州後陷
南詔逆廢隋志越雋郡蘓祇縣舊置亮善郡開皇初郡廢元
和志縣東南至雋州八十里本漢舊縣後陷夷獠周武帝復
立屬嚴州開皇初改屬雋州唐志自台登城九十里至蘓初

縣又南八十里至雋州元志建昌路領禮州在路西北瀘沽
水東所治曰籠廢城段氏裔孫阿宗內附復叛至元九年平
之設千戶十五年改為禮州明統志禮州本漢蘓元縣在建
昌衛北六十里洪武中改置

西瀘廢縣在縣西南元和志縣東北至州二十七里本漢邛
寶元年改名有姜磨戌在縣西南三里舊唐志西瀘梁置可
縣隋置姜磨戌武德七年移於今理後陷於南詔元志建昌
路領瀘州在路西昔名沙城縣驗即武侯擒孟獲之地至段
氏時於熱水旬立城名淡籠隸建昌至元十五年改淡籠為
瀘州明統志廢瀘州在都司城西南二十五里元置國初因
之後廢按瀘州道里與元和志西瀘至州道里正合即古西
瀘也又按隋志越雋郡領可泉縣舊治宣化郡開皇初郡廢
元和志作本可舊唐志作可泉蓋即可泉之訛

瀘古廢縣在縣北元至禮州領瀘古縣在州北昔羅落蠻所居
自號白落蘭部或稱羅落其裔蒲德遺其姪建蒂內附建蒂
繼叛自為酋長併有諸部至元九年平之設千戶十五年改

縣明統志在都司城北一百二十里本漢台登縣地元置瀘沽縣國初因之後廢

北社廢縣在縣東三百里元置屬建昌路明初改為碧社縣

後廢中縣在縣東元志建昌路領中縣治在佳頭回甸蓋越

首長所立處為中州至元十年內附十四年仍為中州二十

二年降為縣明統志在都司城東四百里元置國初因之後廢

廢羅羅斯司在縣東元志至元十二年設羅羅蒙慶等處宣

渡河西明洪武四年羅羅斯宣慰使安普卜之孫配率眾歸

附授以士指揮使帶銜建昌衛不給符印置院於城東郭外

里許昌州威龍普濟三長官司隸之所有四十八馬站部

落為楚人獮獮白夷西番麼些格獯韃韃子漁人約九種

而獮獮最獮獮諸種散居山谷間南及金沙北至大渡東抵

烏蒙西迄益井延袤殆千餘里西夷大首此為稱首

鐘樓在縣南三十里相傳舊有高樓內懸大鐘今陷入邛池

內晴時猶見鐘形

蘭言館在縣東明撫夷同知汪繼曾建今圯

風俗

重儒敬佛相見之禮長跪不拜元統志

金珠富產穀粟豐盈民足衣食牛羊鹽馬毡布通商貨殖同上

竹籬板舍不事修飾同上

善造堅甲利刃弩置毒其末沾血立死明統志

漢夷雜處蠻類百種披氍赤足飲食蟲鼠出帶弓弩天性悍

戾舊通志

地處邊末漢夷雜居人情狡悍好訟習尚樸俚少文邇來民

風漸歸淳雅

環城近處夏不甚暑冬不甚寒冬夏間風恒烈居民多樸男

女皆事耕耨惟縉紳諸士子崇尚禮教綽有風雅舊志

正月初八初九日瀘山廟會燒香者甚衆

正月開元宵滿街掛排燈耍龍燈南關有燈山一座

二月初八日大佛會二月初一日大佛自白塔寺至西來寺

湧泉庵千佛寺等處三年一週初八日城隍出巡裝鬼怪者

甚衆初九日大佛回白塔寺

六月二十四日家家晚上門前悉樹火炬照耀如同白日也

俗訛傳以為土主為神茲土鄉人迎之遂成風俗其說不經

聞之故老乃武侯平南迴轍過此土人喜之因天色已晚乃
火炬迎送云按武侯平蠻在今緬甸按趙損之火炬節註云
火把節亦名星迴節漢元封間樛榆有曼阿娜為漢裨將郭
世宗所害併欲得其妻阿南阿南約以三事一設幕祭故夫
一焚故夫衣易新衣一令國人遍知郭以禮娶郭皆如其言
於六月二十五日聚國人張松幕置火其下阿南祭夫畢俟
火熾焚故夫衣遂躍入死焉國人哀之每歲於是日燃炬火
謂之弔阿南其後唐開元間有鄧暎詔者六詔之一也南詔
欲併五詔因星迴節召五詔會飲於松明樓鄧暎妻慈善懼
難止夫勿行不聽乃以鐵釧約夫臂而別北至南詔火其樓
諸詔妻尋夫骸不可識獨慈善以鐵釧故得其骸以歸南詔
異其慧以幣聘之善以夫未葬為辭既葬乃櫻城自守南詔
以兵圍之三月食盡善盛服端坐餓以死南詔尋悔旌其城
曰德源今滇俗六月二十四五日比戶斫松為燎高丈餘入
夜爭先燃之用以照田祈年以炬之期暗卜歲之豐歉戚友
會聚剝生飲酒夷漢同之亦間有知兩烈婦故事者

祥異地理人事

雍正十年春正月初三日西昌縣德昌地震發帑賑恤

嘉慶二年五月陰雨連綿二十三日夜河水暴發沖壞建城南門外大橋一座居民舖戶房屋被水沖去城垣沖坍七十九丈嘉慶四年四月二十一日驟雨傾盆山溪水漲丈餘不由故道凡河下民房舖面概行沖去三十二戶淹斃人口二十四戶共男婦五十七名口及五月又連夜大雨於十五日夜山水復發驟漲數丈將北門以下鸚哥嘴及東門上兩處舊城牆沖塌十餘丈南門外民房沖去數戶

道光四年十二月二十一日夜普格堡起火延燒舖面房屋一百六十三家燒死人口六名甯遠府知府陳賞恤銀一百五十兩道光五年四月二十六日夜南關後街被火燒燬舖面人戶一百零八戶男二丁女二口府縣共損錢五十餘千文撫恤至五月初九日有童在是陝西人氏從此路過出備銅錢四十三千文交與鄉約張虎分給撫恤

道光七年閏五月十五日酉刻驟雨傾盆山水暴發河水不由故道南門外大橋小橋俱被沖壞西門外致遠橋新橋亦皆沖壞下河堤沖去民居舖房三百六十四戶草瓦房五百

六十四間淹斃男婦共七百五十八名口經損職沈松捐棺
殮埋一百九十八名監生陳長隆捐棺殮埋一百八十九名
並劉鎮裕饒裕盛馮思誠張明銳李際泰朱國光鄭永芳各
捐埋十名八名不等府縣撫恤修河共費千餘千文

道光八年正月二十三巴硎街被火焚燒舖房住戶一百二
十六家並燒死謝楊桃夫婦及伊小女與呂文玉四人

三月二十二日午刻樟木箐起火燒燬舖面人戶四百餘
戶僅餘街市兩頭未燒幸未傷損人命

土產

五穀 銅 蠟虫 松 杉 建板 磨菰 雞菴

珠海子出 勃薺粉

田賦

一西昌縣額徵米四千九百二十八石八斗二升八合

一禮州縣丞額徵米四百四十九石八斗五升六合一勺

一德昌所裁歸縣額徵米八百六十五石二斗六升一合九勺

一永定營撥歸縣徵收原納夷糧米十四石九斗零五合

以上西昌禮州德昌共額徵米六千二百五十八石八斗

五升一合九勺八抄

一西昌原額穀一萬二千五百二十八石一斗一升五合九勺

一奉文歸併府倉穀一萬六千零六十石

一德昌巡檢經管穀一萬二千六百五十五石六斗

一禮州縣丞經管穀三千零二石

以上東西禮德四倉共貯穀四萬五千二百二十八石五

斗九升六合九勺八抄

錢糧

一原額折色屯田九十頃五十畝八分五厘

每畝載糧二斗七升二合七勺 共載糧二千四百六

十八石四斗七升二合七勺 每糧一石折徵銀三錢

共折徵銀七百四十兩五錢二分四厘

下地一十四頃八十三畝二分 每畝載糧五合

共載糧七石四斗一升六合一勺 每糧一石折徵銀

二兩五錢共折徵下地銀十八兩五錢四分

經徵乾隆三年羅秀等補首出下地共二十五頃四十九畝

四分三厘 每畝載糧一分二厘五毫共載糧三十一

兩九錢二分五厘

又乾隆^{十七}等年噶叫等補首出下地十頃二十畝六厘八毫

每畝徵丁條糧銀三分八厘共徵丁條糧銀三十八兩

三錢零九厘

嘉慶十九年

新增下田七十六頃二十六畝五分五厘

每畝徵丁條糧銀三分八厘共徵丁條糧銀二百八十

六兩七錢一分二厘七毫

下地一百二十九頃八十七畝二分

每畝徵丁條糧銀一分二厘五毫共徵丁條糧銀一百六

十二兩七錢零七毫

又三州土司吉榮秋等並河東土司所管黑夷哩阿他自行

首報免丈陸科條糧銀一百零四兩四錢八分四厘六毫

以上原額新增共 田一百七拾七頃五畝一分一厘八毫
地一百七拾頃二拾六畝五分八厘

共徵銀一千三百八拾三兩一錢九分六厘

學校

府學嘉慶十四年新添每年額進文生八名 西昌縣裁撥二名
會理州裁撥二名

鹽源縣裁撥二名 武與文同

新添一名 龍安府裁撥府學五名
西昌縣裁撥一名
會理州裁撥二名
冕甯縣裁撥五名

廩生十五名 西昌縣學原額文進十五名嘉慶十四年裁撥府學三名額

進十二名增生廩生原各二十名裁撥府學各一名現額廩

增各十九名歲間貢一名

書院

瀘峯書院在甯遠府治城內正西街乾隆十八年署府安洪

德詳奉士民倡捐一案創修書院講堂三間內廂房各一間

二門一座大門三間禮州北寺及洪覺寺二處充入書院田

五石八斗歲收租米十九籮嘉慶七年署府鄧璜以銅渣銀

置田一石鋪房三間歲收租米八籮鋪租錢十八千文十三

年署縣令周起瑤斷歸書院火山三處歲收包穀租三百三

十七籮以資束修膏火之費道光三年 欽加道銜甯遠府

知府陳梅亭 崇禮擴充後院地基又添修正房三間兩廂房

各三間而書院遂深邃改觀來學者衆道光壬午科遂中吳中
彥乙酉科遂中宋鴻毅焉

節孝

單宗秀妻陶氏年二十八夫卒矢志守節撫子名列成均事聞旌表建坊入節孝祠

庠生熊飛羅妻黃氏夫故守節撫弱子林先成立入泮事聞旌表建坊入節孝祠

姚敬妻陶氏年十九敬故守節撫遺腹子岳成立事聞

貞女李玉靖李相生之女許字張振元未嫁而振元故女矢志守節終身靡他事聞旌表建坊入節孝祠

王問賢妻陳氏夫七年二十哀慟幾絕撫遺腹子燦維成名歷節三十載旌表建坊

仙釋

瀘山光福寺有蒙段祠昔段氏女事母行孝好善守節常趕

驢馱米送寺一日忽逢大雪送米至古栢樹下將解馱而驢

已向空去矣其女望之亦飄然而去祇留仙骨不朽其樹上

驢蹄跡石上女足跡至今猶存

城東五里姜坡山俞氏學館有老松二株來白鶴一隊巢枝

乳雛來道士兩人傍館修洞與先生綢繆數月臨行揖別曰

海邊一會先生攜酒送行其人留其名曰蒼梧道士俄而把

酒臨風洋洋過海矣一折蘆葉而去一踏巨魚而去歸視其

鶴不知其處祇留有石洞皆巨石所砌千百人不能移一石

僧慈唐天估間於瀘山夜中飛昇留手跡石上至今西番歲來摹印

流寓

楊壯元升菴慎路往雲南夜宿瀘山適建城火把節時詩云
老夫今夜宿瀘山驚破天門夜未闕誰把太空敲粉碎滿天星斗落人間 又土主廟山山下出泉其味如醴泉上立一石碑上刊奇龍漱玉四字旁註楊升菴筆

兵制

一建昌鎮係於順治十六年設立

總兵官一員駐劄甯遠府城北街

中營遊擊一員駐劄甯遠府城南街

守備一員係分防木托汎

左營遊擊一員駐劄甯遠府東街

守備一員分防西溪汎

一右營係於順治十六年設立遊擊一員守備一員把總四員

雍正七年添設外委六員乾隆十八年裁添遊擊改作都

司一員乾隆四十四年裁添守備一員外委一員

右營都司一員分駐熱水現移府城東門內

鎮標三營設立千總四員把總十二員雍正七年添設外委
十六員乾隆二十八年添設額外外委十一員共千把外
委額外外委四十三員內分防各汛二十一員
中營分防八汛內

北山汛係設把總一員安步兵十四名自汛至營二十里
定番汛係設把總一員安步兵九名自汛至營三十里
木托汛係設守備一員把總一員安馬兵十五名步兵四
十八名共兵六十三名自汛至營三十里

凉水井汛係設外委馬兵一員安步兵六名自汛至營三
十里

青龍汛係設外委馬兵一員安步兵五名自汛至營三十里
缸碯汛係設外委馬兵一員安步兵四名自汛至營三十里
娘子庄汛係設外委馬兵一員安步兵六名自汛至營三十
里

又駐防台藏以及外委馬兵一員馬兵十七名步兵二十一
名共三十八名

左營分防四汛內

西溪汛係設守備一員把總一員外委馬兵一員安馬兵二

十六名步兵五十一名共七十八名自汎至營七十里

廟角營汎係設外委馬兵一員安步兵八名自汎至營六十里
大水塘汎係設外委馬兵一員安步兵八名自汎至營八十
里

德昌汎係設把總一員安步兵三十八名自汎至營一百一十里
又駐防台藏以及馬塘馬兵十五名步兵十六名共三十一名
右營分防七汎內

熱水汎係設都司一員千總一員安馬兵二十名步兵四十
二名共六十二名自汎至鎮五十里

罵石囉汎係設把總一員安步兵十一名自汎至熱水汎七十
五里至鎮二十里

馬平埧係設把總一員安步兵二十六名自汎至熱水汎三十
里至鎮二十里

溪龍汎係設把總一員安馬兵一名步兵四十名共四十一名
自汎至熱水汎二十里至鎮七十里

大堡子汎係設外委馬兵一員安步兵九名自汎至熱水汎六
十五里至鎮十里

土堡汎係設外委馬兵一員安步兵六名自熱水五里至鎮七十里

馬蝗山汎係設外委馬兵一員安步兵九名自汎至熱水四十里至鎮十里

又駐防台藏以及馬塘馬兵十七名步兵二十名共三十七名
中營存營差操千總一員外委馬兵一員額外外委馬兵四員
馬步兵三百二十七名

左營存營差操千總一員把總二員外委馬兵三員額外外委
馬兵四員馬步兵三百二十五名

右營存營差操千總一員把總一員外委馬兵一員額外馬兵
三員馬步兵三百零六名

嘉慶二十一年奉文改移汎地內

中營所屬

普格汎設千總一員請以冕山汎千總裁紙撥右營兵三十名

交脚設把總一員請以虐郎汎把總移駐撥右營兵十名

虐郎汎以娘子莊汎外委移駐仍兼管娘子庄地方

蓋銀窩汎設把總一員請以定番汎把總移駐

定番汎以缸礮汎外委改移兼管缸礮地方其兵丁悉照原額

左營所屬

三披橋設把總一員請以左營存城右哨二司把總移駐其

兵丁即於德昌及西溪兩汎分撥

崩土坎設外委一員請以廟角汎外委移駐其兵丁仍照原設

拖即溝設把總一員請以溪龍汎把總移駐其兵丁於溪

龍熱水兩汎中撥往

溪龍汎以馬蝗山外委移駐馬蝗山汎防事宜交馬平堤

正汎把總管理

舖遞

南路

礪山塘

酸渣樹塘

馬鞍山塘

崩土坎塘

祿馬站塘

大水塘

黃水塘

新塘

胡家灣塘

賈馨營塘

德昌撥塘

一把傘塘

小高橋塘

半站營塘

五斗種塘

落腰塘

觀音塘

錦川橋塘

興馬坎塘

北路

里經堡塘

馬平堤塘

青山嘴塘

蛟龍營塘

禮州塘

溪龍塘

深溝塘

三關塘

鄧家灣塘

中路

馬蝗山塘

嗎石囉塘

北山汎塘

凉水井塘

蟻蟾塘

李郎山塘

長坡頂塘

青龍寺塘

麻栗樹塘

廟角營塘

西溪塘

定番汎塘

甯遠府知府 舊為建昌衛雍正六年罷衛改置府

社士秀 直隸歲貢雍正六年 宋虞凱 江南長洲監生乾隆元年任

管臚傳 雲南新興舉人乾隆 隆 鑲黃旗監生乾隆十四年任

謝應龍 浙江會稽人 李景諄 乾隆十九年任

秦 鑽 江蘇金匱進士乾隆 秦 鑽 乾隆二十年復任

施成德 江蘇景明監生乾隆 孫爾周 山東昌邑進士乾隆二十年任

查 禮 順天宛平人乾隆二 盛 英 順天宛平進士乾隆三十四年任

林守鹿 福建閩縣進士乾隆 毛宣徽 河南鄭州舉人乾隆四十七年任

穆克登布 滿洲鑲白旗監生乾 崔修紳 浙江歸安進士乾隆五十二年任

符兆熊 河南甯陵監生乾隆 李憲宜 山東海陽貢生乾隆五十八年任

嚴士鉉 江蘇丹徒貢嘉慶元 方 積 安徽定遠拔貢嘉慶五十年任

沈念茲 浙江歸安監生嘉慶 德 福 滿州正白旗監生嘉慶六年任

佛喜保 滿州鑲紅旗人嘉慶 章 凱 順天宛平監生嘉慶二十年任

戴三錫 順天大興縣人嘉慶二十 陳崇禮 浙江海甯人道光元年任

事竣 欽加道銜

西昌縣知縣 舊為建昌衛 雍正六年改縣

李 悼 任 陝西舉人 雍正八年 衛學詩 陝西韓城進士 乾隆十三年任

林維雍 福建福清進士 乾隆二十一年任 蕭榕 山東福山進士 乾隆二十六年任

徐時敏 浙江建德副榜 乾隆二十六年任 翟茂嗣 山東齊河進士 乾隆二十九年任

楊長森 漢軍鑲黃旗監生 乾隆三十九年任 余大鶴 雲南建水進士 乾隆四十七年任

張山菊 山東嘉祥拔貢 嘉慶四年任 呂兆麒 安徽旌德進士 嘉慶十一年任

楊經緯 甘肅秦州監生 嘉慶十五年任 魯鳳輝 浙江會稽監生 嘉慶十八年任

金科豫 漢軍正黃旗舉人 嘉慶二十年任 徐 連 直隸已巳進士 道光三年臘月自冕甯調

府學教授

周士澐

楊尚岑

府學教授向在越雋廳自嘉慶十四年始移至郡城前任教授周士澐於嘉慶二十一年陞甘肅環縣開缺楊尚岑於道光元年二月選授

西昌縣教諭自乾隆三十一年起

燕居廣署

李縉署

張純嘏實署

喻克固署

周志善署

彭璽署

譔克敏實任

周之菁署

倪瑯實任

孫光先署

張仁培署

張良佐署

文現書署

郭林蔚署

黃熙載署

蔡文炳署

湯佑光實任

馮謙署

張廷燾署

何金符署

向大溟實任

張桂署

許其畋實任

禮州縣丞 向係守禦所缺雍正七年裁所為縣改設縣丞

王石渠 乾隆五十二年至五十九年實任

謝 乾隆六年署

許第 嘉慶元年二年署

鄧世祿 嘉慶三年係西昌縣兼

李旭 兼攝 嘉慶四年係西昌縣 張山菊 山東人嘉慶五年係西昌縣兼攝

趙錫齡 江西人嘉慶六年署 鄭俊備 廣西人嘉慶七年署

高瀛 湖廣人嘉慶八九年 王仲堦 嘉慶十年署

李雲驤 雲南人嘉慶十一二 王念猷 山東人嘉慶十三年署

崔人紀 湖北人嘉慶十四年 陳朝鼎 浙江人嘉慶二十二年

楊慶龍 浙江人嘉慶二十二 張元偉 安徽桐城縣人嘉慶二十四年實任現調南部縣

黃大受 廣東嘉應州長樂縣人道光五年實任 丁 楹 江蘇無錫縣人道光五年代辦

甯遠府經歷

徐開元 浙江山陰縣人嘉慶九年九月實任

張方圭 浙江會稽縣人嘉慶十二年七月署任

徐開元 浙江山陰縣人嘉慶十三年十月回任

田時雨 順天宛年縣人嘉慶十四年四月署任

徐開元 浙江山陰縣人嘉慶十四年十月回任

熊瞻雲 江西南昌縣人嘉慶十六年九月兼署

徐璋 順天懷柔縣人嘉慶十七年十月署任

徐開元 浙江山陰縣人嘉慶十八年十一月回任

張奎 浙江山陰縣人嘉慶二十一年二月署任

劉欽安 安徽霍印縣人辛酉科拔貢嘉慶二十一年十二月署任

陳朝鼎 浙江山陰縣人嘉慶二十二年三月實任

駱德祥 直隸邢臺縣人嘉慶二十三年十二月署任

王步雲 江蘇婁縣人嘉慶二十四年三月實任

丁楹 直隸清宛縣人祖籍江蘇道光五年三月署任

王步雲 江蘇婁縣人道光五年五月回任

陸民寶 浙江山陰縣人西昌典史道光五年六月兼理

德昌巡檢 乾隆二十七年裁所起歷任德昌

陳國甯 乾隆二十七年實任 陳應蘭 乾隆三十二年實任

平嵩年 乾隆三十三年實任 趙興國 乾隆三十五年實任

劉光凍 乾隆四十二年署 彭 楷 乾隆四十七年署

趙興國 乾隆四十九年回任 顧 墉 乾隆五十一年署

高 垣 乾隆五十二年署任 方相衷 乾隆五十三年實任

謝詔錫 乾隆五十七年署 劉 熺 乾隆五十九年實任

葉澍光 嘉慶元年署 高 瀛 嘉慶三年署

劉 熺 嘉慶五年回任 蔡 彤 嘉慶六年署

王仲勳 嘉慶七年署 駱德祥 嘉慶元年署

劉 熺 嘉慶九年回任 孔毓珍 嘉慶十六年署

牛夢祺 嘉慶十六年實任 潘 瑀 嘉慶二十四年

楊聲鐸 嘉慶二十五年署 牛夢祺 道光二年回任

西昌縣典史

張方圭 浙江會稽縣人 嘉慶六年八月實任

胡裕文 直隸清苑縣人 嘉慶二十三年二月署任

桂 蔭 安徽石埭縣人 嘉慶二十三年八月實任

胡裕文 直隸清苑縣人 嘉慶二十四年二月署任

王步雲 江蘇婁縣人 嘉慶二十四年三月署任

陸民寶 浙江山陰縣人 嘉慶二十五年二月實任

建昌鎮總兵官 駐甯遠府城北街

王進才 陝西人 康熙十九年任 施應元 福建人 康熙三十三年任

吳洪 鑲紅旗人 康熙四十年任 馬際伯 陝西人 康熙四十二年任

杜明義 陝西武舉 康熙四十年任 郝宏勳 正白旗人 康熙四十七年任

張友鳳 山西人 康熙五十二年任 王之俊 陝西人 康熙五十六年任

趙儒 陝西人 雍正四年任 袁士弼 山西大同人 乾隆六年任

莽阿納 滿洲鑲紅旗人 乾隆十年任 董芳 山西人 乾隆十五年任

胡世榮 貴州普定人 乾隆十年任 路峩 陝西長安人 乾隆二十年任

六格 滿洲鑲黃旗人 乾隆十年任 喀木齊布 滿洲正紅旗人 乾隆三十年任

李時曠 直隸大興人 乾隆三年任 英泰 滿洲正白旗人 乾隆三年任

靈山 正藍旗人 乾隆四十年任 鄂輝 滿洲正白旗人 乾隆四十年任

魁倫 滿洲正黃旗人 乾隆四十年任 穆克登阿 滿洲鑲紅旗人 乾隆五十年任

諸神保 滿洲正紅旗覺羅人 乾隆四十年任 富森布 滿洲正白旗人 嘉慶二年任

劉君輔 雲南會澤人 嘉慶三年任 許文謨 華陽人 嘉慶四年任

張志林 綿州人 嘉慶七年任 張鑑 直隸天津人 道光元年任

德楞額 鑲白旗人 道光三年任 唐文淑 廣西馬平人 道光四年任

謝成貴 四川什仿人 道光三年任

建昌鎮中營中軍遊擊

張四維 陝西人 康熙二十二年任
張憲載 陝西人 康熙二十六年任

李文魁 直隸人 康熙三十三年任
胥祥正 山東武進士 康熙三十五年任

梁景灝 陝西人 康熙四十三年任
劉雄勇 陝西人 康熙五十一年任

馬文得 陝西人 康熙五十三年任
周開捷 浙江人 康熙五十八年任

趙儒 陝西人 康熙六十一年任
沈國卿 四川武舉 雍正元年任

張臣節 陝西人 雍正四年任
也承聖 山東人 雍正七年任

楊澤厚 四川武舉 雍正十年任
馬天才 陝西西甯人 乾隆十一年任

王珩 直隸安平武進士 乾隆十五年任
李維統 陝西榆林武進士 乾隆二十年任

哈什泰 滿洲正藍旗人 乾隆二十六年任
羅永明 滿洲正白旗人 乾隆四十五年任

唐為岳 岫平定武舉 乾隆二十六年任
長春 滿洲正藍旗人 乾隆四十五年任

什格 蒙古正紅旗人 乾隆五十六年任
托模爾權 滿洲鑲白旗人 嘉慶八年任

瞿心能 四川新都人 嘉慶十六年任

中營中軍守副分防木托汎

卞三才 湖廣人 康熙二十二年任
胥祥正 山東武進士 康熙二十七年任

李時偉 直隸人 康熙三十五年任
李什豹 陝西人 康熙四十年任

姚李虎直隸人康熙四十二年任郭貞陝西人康熙四十四年

汪雲龍陝西人康熙五十五年任趙師鼎浙江人康熙五十六年

蘇凱陝西人雍正元年任趙良弼雲南武舉雍正元年任

王順乾隆二年任傅作相湖北漢陽武進士乾隆

李傑甘肅皋蘭人乾隆十年任楊青乾隆二十年任

潘得功蘇世龍四川成都人乾隆二十

哈國祥線登龍雲南恩安人乾隆三十

李端張文遇四川松潘人乾隆四十

余忠鑒呂朝龍四川成都人乾隆五十

馬登雲四川松潘人乾隆五

游棟雲四川巫山武舉乾隆

陳文耀廣東東莞武進士嘉

姜熙儒四川叙本人嘉慶十

馬忠林四川松潘人嘉慶十九

建昌鎮左營遊擊

杜文輝陝西人康熙二十年任李慶直隸人康熙三十七年

胃渾江南人康熙三十九年任大任四川人康熙五十一年

李萃 陝西人 康熙五十八年任 潘光燦 山西文水武進士 康熙六年任

王勇 四川巴縣人 雍正十年任 順 陝西咸甯人 乾隆八年任

馬光祖 陝西西甯人 乾隆十年任 諾爾貝 滿洲正藍旗人 乾隆十年任

五福 滿洲鑲白旗人 乾隆二十一年任 趙良謨 山西大同武進士 乾隆二十七年任

富連陞 乾隆三十四年任 孟世魁 湖北武昌武舉 乾隆五十七年任

永德 滿洲鑲黃旗人 乾隆四十年任 色爾炳阿 正白旗人 乾隆四十六年任

李揚奉 貴州安順人 乾隆五十二年任 谷廷棟 直隸豐潤人 乾隆五十七年任

吉爾章阿 正藍旗人 乾隆五十九年任 蒲尚佐 四川松潘人 嘉慶二年任

馬濟 四川松潘人 嘉慶五年任 王泰 甘肅皋蘭人 嘉慶七年任

瞿心能 四川新都人 嘉慶十年任 馬正雄 四川廣元人 嘉慶十二年任

左營中軍守副分防西溪汛

張憲載 陝西人 康熙二十二年任 王耀 湖廣人 康熙二十六年任

郭侶熊 直隸武舉 康熙三十七年任 岳超龍 陝西人 康熙四十八年任

周開捷 浙江人 康熙五十五年任 喻孝楷 四川人 康熙五十八年任

胡璉 四川人 雍正四年任 楊天運 四川武舉 雍正八年任

蕭漢良 陝西人 乾隆二年任 胡世俊 四川溫江武舉 乾隆九年任

李中模 陝西長安武進士乾隆十五年任 楊秀 四川成都人乾隆十八年任

王智 陝西高陵人乾隆二十年任 李天佑 四川成都人乾隆十八年任

袁國璉 四川成都人乾隆三十二年任 張正拜 四川華陽人乾隆三十年任

李春勝 貴州安順人乾隆十七年任 李勝朝 四川成都人乾隆四十年任

李元培 四川廣元人乾隆十三年任 胡世傑 四川榮經人乾隆四十年任

李正華 四川華陽人乾隆十二年任 李應龍 四川成都人乾隆五十年任

李東山 四川成都人嘉慶二年任 陳應彪 四川華陽人嘉慶四年任

張萬林 四川華陽人嘉慶八年任 徐忠質 四川奉節人嘉慶十一年任

建昌鎮右營原設遊擊 順治十六年設 乾隆十八年裁

鄭璉 陝西人康熙二十年任 支朝棟 陝西人康熙二十五年任

陳俊 福建人康熙三十九年任 楊學溥 江南武進士康熙四十年任

張玉 陝西武進士康熙五十九年任 柳得勝 山東人康熙五十八年任

陳玉輔 山西武進士雍正七年任 馬光 四川人雍正三年任

高攀蟾 山西武進士雍正九年任 田玉 乾隆六年任

保懷智 陝西涇陽人乾隆十年任 李維統 陝西榆林武進士乾隆十六年任

右營原設守副 順治十六年設 乾隆四十四年裁

文朝棟 陝西人康熙二十一年任 楊永恭 河南武舉康熙二十六年任

趙國昌 陝西人 康熙二十九年任 王國印 陝西人 康熙四十二年任

蔡蕙 直隸人 康熙四十九年任 馬國良 陝西人 康熙五十六年任

蘇定江 陝西涼州人 雍正十年任 徐文燦 四川成都人 乾隆六年任

凌朝英 四川松潘人 乾隆十年任 夏尚寅 四川松潘人 乾隆十六年任

靳天爵 四川成都人 乾隆十年任 張文魁 四川成都人 乾隆十七年任

任萬雄 四川成都人 乾隆三十年任 戴從禮 四川成都人 乾隆三十年任

建昌鎮右營都司 乾隆十八年裁 遊擊改設駐熱水汛

張允師 漢軍鑲黃旗武舉 乾隆二十年任 石岐 乾隆二十五年任

董正武 四川屏山人 乾隆二十年任 永明 滿洲正白旗人 乾隆三十年任

張清士 直隸無極武進士 乾隆三十年任 苑光玉 四川成都人 乾隆三十年任

劉君輔 雲南會澤人 乾隆四十年任 閻倫 四川巴縣人 乾隆四十年任

伊魯爾圖 鑲白旗人 乾隆五十年任 魏玉龍 西昌人 乾隆五十八年任

呂朝龍 廣元人 乾隆五十八年任 李功高 廣東香山武進士 乾隆五十八年任

三達色 滿洲鑲紅旗人 嘉慶元年任 虎正林 四川成都人 嘉慶七年任

江萬里 成都人 嘉慶八年任 張萬林 四川華陽人 嘉慶十一年任

孫如藻 四川郫縣人 嘉慶二十年任

仕宦

知府

謚昌緒 任福建建甯府

知縣

宋慎 任直隸三河縣

毛萬銓 任湖北松滋縣

李元極 任貴州遵義縣

楊學述 任福建安溪縣

馮履晉 任江西鄱陽縣

楊鼎才 任湖南安仁縣

馮志琛 任貴州鎮遠縣

教諭

陳習孟 乾隆六年副榜任筠 謚 松 乾隆六年拔貢任宜賓

巫必中 乾隆六年舉人任屏 馮文郁 乾隆十八年拔貢舉人

宋延祚 乾隆二十七年恩貢 傅宗賢 乾隆三十年拔貢任射

薛景初 乾隆三十九年甲午 陳兆珩 乾隆四十二年丁酉拔

訓導

宋士英 任新津縣

主簿

宋儉 任江陵縣

武職

汪啟 任甘肅甯夏鎮總兵郭文魁任浙江處州鎮總兵

買國良任普安營叅將 黨繼成任懷遠營千總

魏以賢任建昌鎮左營千總 劉千任嘉順營千總

陳明德任靖遠營守副 王興邦任永定營千總

魏玉龍任建昌鎮標都司 祁麟補冕山營千總

王宗佑任南坪營千總 楊明魁任直隸三屯營副將

左位任山西營遊擊 沈得福任建昌左營把總

方應定任甯陽營守副 李魁廷任建昌會川營把總

蕭偉任建昌左營千總 吳尚忠任建昌益銀汎把總

池連發任普安營守備 毛三元任建昌會川營把總

葉啟先任建昌左營千總 傅鵬程任建昌會益營把總

蔡文瑾任潼關副將 周貴任建昌會益營千總

陳緯任雲南昭通鎮標中 秦振疆任建昌靖遠營把總

王萬壽任建昌懷遠營千總 楊蘭桂任建昌甯越營千總

李廷玉任建昌永定營千總 何正宗任建昌甯越營把總

任映雄任甯陽營守副 王得任平番營守備

左佶任建昌左營把總

文進士

毛萬銓 乾隆十九年甲戌科

文舉

楊衍 乾隆三年戊午科 巫必中 乾隆六年辛酉科

毛萬銓 乾隆十七年壬申恩 馮文郁 乾隆十八年癸酉科

李元極 乾隆二十四年己卯 楊學述 乾隆三十三年戊子科

馮履晉 乾隆四十八年癸卯 譚昌緒 乾隆五十一年丙午科

楊鼎才 嘉慶三年戊午科 陳其謨 嘉慶九年甲子科

嚴天德 嘉慶十五年庚午科 謝楨 嘉慶十八年癸酉科

王與綬 嘉慶二十一年丙子 馮思勤 嘉慶二十四年己卯科

饒克強 道光元年辛巳科 吳中彥 道光二年壬午科

宋鴻毅 道光五年己酉科 葉蕃 道光八年戊子科

朱斐然 道光十七年辛卯科

武進士

張曰瑚 嘉慶十六年辛未科

陶懋高 道光二年壬午科

武舉

謀際虞 康熙丁卯科 宋鳳立 康熙庚午科

尹毅 康熙壬午科任江南馬允慧 康熙戊子科

徐如林 康熙庚子科 蘇鳳舞 乾隆六年辛酉科

伍銳 乾隆十二年丁卯科 徐琳 乾隆二十一年丙子科

陶致和 乾隆二十四年己卯 張曰瑚 嘉慶十三年戊辰科

陶懋高 嘉慶二十一年丙子 王嘉輔 道光元年辛巳科

恩貢

萬日祥 席相

王命六 撒騰蛟

尹勳 乾隆元年丙辰 宋延祚 乾隆二十七年壬午

曾世封 乾隆三十六年辛卯 張行修 乾隆四十五年庚子

胡敏 乾隆五十一年丙午 謀文謨 乾隆五十五年庚戌

薛士郊 嘉慶元年丙辰 尤際盛 嘉慶十五年庚午

尹文慧 嘉慶二十五年庚辰 吳應時 嘉慶二十五年庚辰

饒似賢 道光二年壬午

副榜

宋慎 康熙丙午科

陳習孟 乾隆六年辛酉科

陳鏞 乾隆三十六年辛卯 薛景祁 乾隆三十九年甲午科

拔貢

譔松 乾隆六年辛酉

林國材 雍正己酉

傅宗賢 乾隆三十年乙酉

馮文郁 乾隆十八年癸酉

胡衍疇 乾隆五十四年己酉

陳兆珩 乾隆四十二年丁酉

撒時興 嘉慶十八年癸酉

陳其謨 嘉慶六年辛酉

楊際華 道光五年乙酉

人物

明馬瑞河任雲南霑益州知州士民戴頌

宋儉任湖南江陵縣主簿入祀鄉賢

高明明經任湖南長沙縣有政聲丁艱還里順治七年庚寅

流賊劉文秀引兵渡金沙江犯建昌明率邑人力拒於焦家

屯勢不能文泣曰吾受朝廷爵秩甯苟活耶遂盡室自焚死

入祀鄉賢

土司

建昌道
建昌鎮轄

河東長官司安正隆其先自元迄明世襲建昌宣慰司

國朝順治十六年泰甯投誠將宣慰司印信號紙呈繳康熙二十

一年泰甯子安承爵承襲三十九年承爵歿妻瞿氏管理雍

正五年瞿氏緣事叅革印信號紙呈繳雍正六年以女安鳳

英襲職改授長官司頒給印信號紙安鳳英無子撫安嗣興

為子娶婦安世裔嗣興於乾隆二十二年歿世裔改贅河西

土千總安瑞茂生子武齡因夷衆不服均未襲職以瑞茂之

妻世裔承襲嘉慶四年世裔歿因武齡之子正隆年幼以武

齡之妻玉枝護理道光二年玉枝辭退正隆承襲住牧河東

其地東至阿叫羅三百七十里交阿都正長官司界南至魚

水河一百三十里交阿都副長官司界西至沙坪站八十里

交益源縣屬瓜別土司界北至溫都脚夷巢二百里交河西

土千總界四至共七百八十里所管土百戶三員獮獠部落

六千九百六十二戶三年貢馬十匹於建昌鎮標中營上

納
河東長官司屬
大石頭病故土百戶余光照其初喇車於康熙四十九年投

誠授職頒給印信號紙承襲康熙六十一年喇車歿子沈
喳承襲乾隆二十四年沈喳辭退嫡子喇茲志承襲三十九

年別茲志歿嫡子猗果不能約束番眾以別茲志妻姪余彬
華承襲道光二年彬華歿嫡子余光照詳請襲職旋即病故
四至在河東長官司界內所管番夷七十八戶三年 貢馬
一匹交建昌鎮標中營上納無糧

長村土百戶余躍瀧其先余車於康熙四十九年投誠授職
頒給印信號緋於雍正二年余車歿嫡子別助承襲乾隆十
六年別助歿因嫡子嚕加年幼以伊妻阿咩護理二十四年
阿咩辭退嫡子嚕加承襲四十一年嚕加歿以伊妻楊四姐
護理嘉慶五年四姐歿以嫡子余定邦承襲十八年定邦歿
以嫡子余躍瀧承襲頒給印信號紙四至在河東長官司界

內所管番夷四十五戶三年 貢馬一匹交建昌鎮 標中營上納無糧

繼事田土百戶沈宗發其先沈旺於康熙四十九年投誠授

職頒給印信號緋雍正五年沈旺歿嫡子慕車承襲乾隆十

六年慕車歿嫡子三春承襲二十一年三春歿嫡子沈服安

承襲嘉慶八年服安歿因嫡子宗發年幼以伊弟沈服甯護

理十七年服甯歿以嫡子沈宗發承襲領有印信號紙 四至在河

東長官司界內所管番夷九十九戶三年 貢馬一匹交建昌鎮標中營上納無糧

利扼土目其先 約余他於康熙四十九年以安撫司投誠授職

後改土目印信號紙呈繳送部歷來並未襲替 三年認納貢馬一匹解

建昌鎮標中營上納牽領營馬

上芍果土目其先別耶於康熙四十九年以土千戶投誠授

職後改土目印信號紙呈繳送部歷來並未襲替三年貢馬一匹解建

昌鎮標中營交納牽領營馬

阿史土目其先烏貴於康熙四十九年以安撫司投誠授職

後改土目印信號紙呈繳送部歷來並未襲替三年認納貢馬一匹解交

建昌鎮標中營交納牽領營馬

紐姑土目其先烏貴於康熙四十九年以土千戶投誠授職

後改土目印信號紙呈繳送部歷來並未襲替三年認納貢馬一匹解交

建昌鎮標中營交納牽領營馬

上沈渣土目其先紐牛於康熙四十九年以土千戶投誠授職

後改土目印信號紙呈繳送部歷來並未襲替三年認納貢馬一匹解交建昌

鎮標中營交納牽領營馬

下芍果土目其先覺慕於康熙四十九年以土百戶投誠授職

後改土目印信號紙呈繳送部歷來並未襲替三年認納貢馬一匹解交建昌

鎮標中營交納牽領營馬

上熱水土目其先阿底於康熙四十九年以土百戶投誠授職

後改土目印信號紙呈繳送部歷來並未襲替三年認納貢馬一匹解交建昌

鎮標中營交納牽領營馬

小凉山慕西土目其先郭歌於康熙四十九年以土千戶投誠授職後改土目印信號紙呈繳送部歷來並未襲替三年認納貢馬一匹解交建昌鎮標中營交納牽領營馬

又利扼土目一名其先攘拉喇於雍正六年投誠無印信號紙歷來並未襲替

阿史土目三名其先喇迫鶯歌未叫於雍正六年投誠無印信號紙歷今並未襲替

者加土目一名其先嚕過於雍正六年投誠無印信號紙歷今並未襲替以上五名共納貢馬六匹

查河東長官司所屬土目十六名共納貢馬一十八匹並無認納夷糧所管附郭地方東至安甯河南至沙坪站西至打冲河北至樟木箐凉山地方東至阿都脚扼界南至拖布西至沙木樹北至阿時沈渣界

阿都正長官司都泰凝其先結固於順治六年投誠授職康熙四十九年土司慕枝為招撫案内授阿都宣撫司頒給印信號紙雍正六年奉文裁汰改土歸流印信號紙呈繳雍正六年凉山野夷不法土司聚姑摘獻亮首復授阿都正長官

司頒給印信號紙雍正十三年聚姑歿以妻祿氏管理乾隆
二十三年辭退嫡子都建邦承襲二十五年建邦歿以妻祿
世才護理乾隆五十四年世才歿以媳祿受玉護理嘉慶三
年受玉辭退以嫡子都顯貴承襲十六年顯貴歿以伊妻都
安氏位加護理二年位加歿因伊子都天錫年幼夷衆議以
位加之翁都泰凝暫為護理阿都正長官司住牧阿都東至
河路一百六十里交沙罵宣撫司界南至紙古一百二十里
交會理州屬披沙土目界西至拖布河一百二十里交河東
正長官司界北至馬雄一百二十里交阿都副長官司界西
至共五百二十里所管苗蠻夷共四萬戶三年貢馬八匹赴
建昌鎮標中營上納

阿都正長官司屬

歪溪土目其先菊雲於康熙四十九年以土百戶投誠並無

印信號紙歷今並未襲替三年認納貢馬一匹解交建昌鎮標中營交納牽領營馬

咱古土目其先卜都於康熙四十九年以土百戶投誠並無

印信號紙歷今並未襲替三年認納貢馬一匹解交建昌鎮標中營上納牽領營馬

蕎山南土目其先達是於康熙四十九年以土百戶投誠並

無印信號紙歷今並未襲替三年認納貢馬一匹解交建昌鎮標中營交納牽領營馬

大河西土目其先菊落於康熙四十九年投誠並無印信號

紙歷今並未襲替

護理阿都副長官司都祿氏由伊姑始祖祖母賒喇於雍正六年剿撫凉山夷衆投誠有功授阿都副長官司頒給印信號紙賒喇無子撫內姪女安玉桂爲女乾隆二十七年賒喇歿玉桂承襲母職乾隆二十八年玉桂歿玉桂無子土舍頭目請以內姪都泰凝更名安緒凝承襲因緒凝年幼以阿都正長官司都建邦代爲兼護三十六年安緒凝承襲後因瘋癩辭退以妻祿受玉兼護因受玉年老辭退以嫡子都顯貴代爲兼護嘉慶十六年顯貴歿以伊妻都安氏位加護理嘉慶二十年位加歿因伊子都天錫年幼夷衆議以位加之翁都

泰凝兼護道光元年因泰凝年邁不能兼理以天錫之妻都

祿氏暫為護理阿都副長官司住牧阿都

其地東至金沙江業都囉五百五十

里交雲南界南至阿波囉西溪河五百六十里交正長官司界西至河西一百二十里交鼓手房漢境界地至竹黑三百六十里交沙馬撫司界四至共一千五百九十里所管苗夷一萬五千戶每戶認納夷糧米一百三十二石秋糧米十七石六斗赴西昌縣上納三年貢馬二十八匹赴建昌鎮標中營上納

阿都副長官司屬

小凉山馬希土目其先俄車於康熙四十九年以安撫司投

誠並無印信號紙歷今並未襲替

三年貢馬一匹解建昌鎮標中營交納牽領營馬

大凉山拖覺土目其先別過於康熙四十九年以土千戶投

誠並無印信號紙歷今並未襲替三年認納貢馬一匹解交建昌鎮標中營交納牽領營馬

阿乃土目其先耿烏於康熙四十九年以土千戶投誠並無

印信號紙歷今並未襲替三年認納貢馬一匹解交建昌鎮標中營交納牽領馬

又阿史土目其先顧姑於雍正六年投誠無印信號紙歷今

並未襲替

結呢土目其先喇圭於雍正六年投誠無印信號紙歷今並

未襲替以上土目二名三年認納貢馬一匹

派乃土目其先阿木於雍正六年投誠無印信號紙歷今並

未襲替

者賦土目其先阿呷於雍正六年投誠無印信號紙歷今並

未襲替

那科土目其先阿桂於雍正八年投誠無印信號紙歷今並

未襲替

那俄土目其先阿木雞於雍正八年投誠無印信號紙歷今

並未襲替

哈乃土目其先慕之於雍正六年投誠無印信號紙歷今並

未襲替

又阿駙土目其先這枝於雍正八年投誠無印信號紙歷今

並未襲替 以上土目六名三年共認納貢馬四匹

以上所屬土目十一名共認納貢馬十一匹內於乾隆二十二年為案情以懸莫結等事案內將那科土婦阿加那俄土目阿木雞哈乃土目慕之等三名原納貢馬一匹議詳撥合界民潘世英歸於雷波街上納徵收解繳外阿都副長官司名十現屬土目八名實納貢馬十匹催收夷糧一百四十九石二斗於雍正五年撥歸西昌縣上納所管阿都大小涼山地方上至滇省東川會澤縣界下至昭通永善縣界

沙罵宣撫司安玉娘其先安常威於康熙四十九年投誠授

職頒給印信號紙雍正十二年常威歿以嫡孫安常歌承襲

乾隆二年常哥歿以嫡子安阿哥承襲八年阿哥歿乏嗣以

胞弟安祚遠承襲三十四年祚遠歿以妻安玉貞襲職五十

二年玉貞歿無嗣以堂姪安定國承襲嘉慶二十年定國歿

以嫡子安玉娘承襲領有印信號紙住牧沙罵其地東至金

一里交雲南永善縣界南至落布九十里交阿都副長官司界西至乾呢吾拖一百二十里交阿都正長官司界北至烏叫囉慕二百里交雷波廳屬不租界四至共五百七十里所管蠻夷共一千四百六十二戶三年貢馬十三匹赴建昌鎮標中營上納

以上土司四員所屬一種名猓羅居住分黑白骨頭黑為主白為僕知禮法通漢語賦性醇良

沙罵宣撫司屬

那多土目其先克咱於康熙四十九年以土百戶投誠無印

信號紙歷今並未襲替 三年認納貢馬一匹解建昌鎮標中

營交納牽領營馬

扼烏土目其先畏雪於康熙四十九年以土百戶投誠無印

信號紙歷今並未襲替三年認納貢馬一匹解建昌鎮標中營交納牽領營馬

咱烈山土目其先阿佳於康熙四十九年以土百戶投誠無

印信號紙歷今並未襲替三年認納貢馬一匹解建昌鎮標中營交納牽領營馬

撒凹溝土目其先逼笏於康熙四十九年以土百戶投誠無

印信號紙歷今並未襲替三年認納貢馬一匹解建昌鎮標中營交納牽領營馬

結覺土目其先讀核於康熙四十九年投誠無印信號紙歷

今並未襲替三年貢馬三匹係土司認納

西昌縣屬左營

昌州長官司盧鎮邦其先盧尼古原籍雲南大理府土職於

前明洪武九年調守德昌昌州

國朝康熙四十九年耀先投誠世襲頒給印信號紙乾隆二年耀

先歿以嫡孫盧定昌承襲三十四年定昌歿以嫡子盧重琳

承襲嘉慶十三年重琳年邁辭退以嫡孫盧鎮邦承襲領有

印信號紙住牧昌州其地東至安甯河四十里交會川半站營界南至達龍白凹山嶺六十里交威

龍州長官司西至打冲河六十里交鹽源縣右所八土目界

北至者只鋪五十里交西昌縣漢境界四至共一百二十里

所管苗夷二百七十一戶每年認納夷糧米京石一百三十石零赴西昌縣倉上納三年貢馬一匹赴建昌鎮標左營上納普濟州長官司吉榮秋原籍貴州普定衛平州人其先吉三

嘉於前明洪武七年授普濟州知州

國朝康熙四十九年吉國佐投誠授職頒給印信號紙雍正十二

年國佐歿以嫡子吉興爵承襲乾隆三十年興爵歿以嫡子

吉廷桂承襲三十四年廷桂歿嫡子吉榮秋年甫二歲未能

承襲以嫡妻吉桂英護理五十年桂英年老辭退以嫡子吉

榮秋承襲領有印信號紙住牧普濟州其地東至老虎石六

十里六威龍州長官司界南至安甯河一百二十里交會理州屬土百戶界西至

打冲河八十里交鹽源縣屬右所八土司界北至蠻地一百

二十里交西昌縣漢境界四至共三百八十里所管苗夷五

百參十六戶每年認納夷糧米十石零赴西昌縣倉上納三

年貢馬一匹赴建昌鎮標左營上納

以上土司二員所屬夷人四種名獮獠猺魯西番鋪家均賦

性醇良耕種為生鋪家居汎境俗習好尚服色俱與漢人稍同

威龍州長官司張照遠原籍雲南大理府人其先張啟明於

前明洪武七年授職

國朝順治十六年張君信投誠授職康熙壬子年君信歿以嫡子

張聯辰承襲康熙四十八年聯辰年老辭退嫡子張秀承襲

乾隆十一年張秀年老辭退以嫡子張應詔承襲三十一年

應詔歿以嫡子張如元承襲四十四年如元歿無子以胞弟

張如山承襲兄職嘉慶十四年如山歿以嫡子張照遠承襲

領有印信號紙住牧威龍州其地東至安甯河十里交會理

州屬迷易界南至馬樵榔三十

里交會理州屬土千戶界西至青崗坪二十里交普濟州長
官司界北至馬安山一百二十里交昌州長官司界四至共
一百八十里所管苗夷三百一十五戶每年納夷糧米三石
有容赴西昌縣倉上納三年貢馬一匹交建昌鎮標左營上
納該土司所屬夷人二種名猓獠蘇尖頭夷人均賦性醇
良耕種為生

西昌縣屬
右營

兼攝河西土千總安正隆其先安泰甯之次子安承引妻嶺
氏同子安吉茂投誠康熙五十一年頒給河西宣慰司印信
號紙五十七年吉茂歿無子以嫡母嶺氏護理撫伊兄越嵩
土司嶺安泰之子為子更名安祥茂雍正六年改土歸流將
河西宣慰司印信號紙呈繳賞給安祥茂土千總職銜乾隆

十五年祥茂歿無子有胞弟嶺瑞徵更名安瑞茂承襲兄聯
三十年瑞茂歿所生一子安武齡年甫三歲不能承襲議以
瑞茂同曾祖之姪嶺竣極管理四十年竣極歿武齡年雖及
歲不諳夷務詳委伊祖母安世裔暫為護理四十九年武齡
夷務諳習詳請承襲五十五年武齡歿嫡子安正隆年未及
歲仍以祖母安世裔暫為兼攝嘉慶四年世裔歿以武齡嫡
妻安阿枝護理七年阿枝歿安正隆年已及歲詳請承襲住
牧河西其地東至莫落大山夷巢四百三十里交靖遠營界
南至長馬嘶河六十里交河東長官司界西至咩咩
谷毛牛山番猓夷巢二百四十里交嘉順會蓋二營界北至
三關黃土撥三十里交懷遠營界四至共七百六十里所管

番夷一千五百零三戶每年認納夷糧蕎稌糧九十四石五
斗五升赴建昌鎮標右營上納兌支兵餉該土千總所屬夷
人三種名熟夷獮獮西番熟夷附近漢境通漢語稍知禮法
西番賦性馴良均以耕種為生獮獮賦性刁頑不通漢語種
蕎採青為生

河西土千總屬

涼山有獮慕土目脚花 芍菓土目坡咱特議

咱堡土目老虎助助 沙溝土目脚叫

以上土目四名並未給有號紙共認納蕎稌糧一百四十九
石二斗五升內裁汰土千百戶沈札老虎列別碩通顧車喇
媽等完納蕎稌糧六十四石八斗折淨倉斗米三十二石四
斗係熟水汎千總徵收又夷民結列等完納蕎稌糧八十四
石五斗五升折淨倉斗米四十二石二斗七升五合每斗折
銀一錢二分四厘共折徵銀五十二兩四錢二八一厘每年

專差頭目督催俱赴本營守備衙門徵收兌支兵餉

洪武五年囉囉斯宣慰使安定來朝囉囉斯即建昌衛本邛都地漢武帝置越雋郡隋唐皆為雋州至德初沒於土番貞元中收復懿宗時為蒙詔所據改建昌府以烏白二蠻實之元至元間置建昌路又立囉囉斯宣慰司以統之至是宣慰安定來朝而建昌尚未歸附十四年遣內臣齎敕諭之乃降十五年置建昌衛指揮使司元平章月魯帖木兒等自雲南建昌來貢馬一百八十匹并上元所授符印詔賜月魯帖木兒綺衣金帶鞞鞞家人綿布一百六十疋鈔二千四百四十錠以月魯帖木兒為

建昌衛指揮使月給三品俸贍其家十六年建昌土官安配及土酋阿派先後來朝貢馬及方物皆賜織金文綺衣帽鞞鞞十八年月魯帖木兒舉家來朝請遣子入學厚賜遣之二十一年建昌府故土官安思正妻師克等來朝貢馬九十九匹詔授師克知府賜冠帶襲衣文綺鈔錠因命師克討川東芒部及赤水河判蠻二十三年安配遣子僧保等四十二人入監讀書二十五年致任指揮安配貢馬詔賜配及其把事五十三人幣鈔有差已而月魯帖木兒反合德昌會川迷易栢興邛部并西番土軍萬餘人殺官軍男婦二百餘口掠屯牛燒營屋劫軍糧率衆

攻城指揮使安的以所部出戰敗之斬八十餘級擒其黨十餘人賊退屯阿宜河轉攻蘇州指揮僉事魯毅率精騎出西門擊之賊衆大集毅且戰且却復入城拒守賊圍城毅乘間遣壯士王早突入賊營斫賊賊驚遁於是置建昌蘇州二軍民指揮司及會川軍民千戶所調京衛及陝西兵萬五千餘人往戍之仍諭將士互相應援設伏出奇并諭賊首獻者賞千金復諭總兵官涼國公藍玉以月魯帖木兒詭詐不可信其降致緩師養禍四川都指揮使瞿能率各衛兵至雙狼寨擒偽千戶段太平等賊衆大潰月魯帖木兒敗遁能督兵追捕攻托落寨拔之轉戰而前進至打冲河三里所與月魯帖木兒遇大戰又敗之俘其衆五百餘人溺死者千餘獲牛馬無算官軍入德昌能遂調指揮同知徐凱分兵入普濟州搜捕復駕橋於打冲河遣指揮李革引兵追托落寨餘孽進至水西斬月魯帖木兒把事七人其截路寨上蠻長沙納的皆中矢死能還攻天星卧漂諸寨皆克之先後俘殺千八百餘人月魯帖木兒遁入栢興州帝遣諭藍玉曰月魯帖木兒信其逆黨達達楊把事等或遣之先降或親來覘我不可不密為防其栢興州賈哈喇境內麼些等部更須留意賈哈喇者麼些洞土酋也初王師克建昌授以指揮之職

自是從月魯帖木兒叛玉率兵至柏興州遣百戶毛海以計誘致月魯帖木兒并其子胖伯遂降其衆送月魯帖木兒京師伏誅玉因奏四川地曠山險控扼西番松茂碉黎當土番出入之地馬湖建昌嘉定俱為要道皆宜增屯衛報可命玉班師二拾七年麼些洞蠻寇打冲河西守堡都督徐凱擊敗之二十九年威龍土知州普習叛普習月魯帖木兒妻兄也官軍捕之普習中流矢死三十一年徐凱等平卜木瓦寨執賈哈喇送京師誅之寨地峻險三面陡絕下臨大江江流悍急不可行舟惟一道僅可通人行官軍至輒自上投石不得進凱乃斷其汲道困之寇窮促凱督將士抵其寨力攻破之遂就擒因改建昌路為建昌衛置軍民指揮使司安氏世襲指揮使不給印置其居於城東郭外里許所屬有四十八馬站大頭土番楚人子白夷麼些猓獠獯獯韃靼回紇諸種散居山谷間北至大渡南及金沙江東抵烏蒙西訖益井延袤千餘里以昌州普濟威龍三州長官隸之有把事四人世轄其衆皆節制於四川行都指揮使司西南土官安氏殆為稱首配六世孫安忠無後妻鳳氏管指揮使事鳳氏死族人安登繼襲復無子妻瞿氏管事以族人世隆嗣世隆復無子繼妻祿氏管事祿死以族侄安崇業嗣崇業與祿

氏不相能因養那固為假子其奴祿祈從史構難歲仇殺鎮巡
官讞之殺那固而戊祿祈事遂平安氏所轄四驛曰祿馬阿用
曰水瀘沽各百里有差其凉山拖即桐槽熱水諸番則以強弱
為向背所領昌州等三長官司皆在衛東西南三百里內洪武
十八年土官盧尼姑吉撒加白氏等歸附皆今世襲為知州月
魯帖木兒之亂諸州皆廢革永樂元年復置悉改為長官司仍
隸建昌其戶所之隸於衛者有三曰禮州曰打冲河曰德昌禮
州漢蘇元縣打冲河唐沙野城德昌元定昌路也

神宗萬曆十五年建昌土酋五咀咱與土舍馬米粒阿乃等執
土婦鳳氏而奪其土田至千餘頃遂率麻科諸羌樹黃幟鼓吹
白晝公行東街姜坡道中縱火燒房屋殺官軍宋泗高仲彪等
千餘人略軍人妻趙氏等有司莫能治先是邛部長官嶺柏死
其妾沙氏與舍目阿祭通竊柏印與祭祭子嶺鳳起據有其印
遂自立于廣洪瓦布寨邛部亂至是越雋衛黑骨夷獠阿弓凹
溪咱等與桐槽王大咱聚黨為寇殺把總余與國及千戶丁應
時等燒軍舍與五咀咱安守安四兒為聲援巡撫徐元太遣將

李應祥邊之垣朱文達分道進勦先建昌而後邛越大敗賊衆
於河上賊衆走樟木箐我師力追之不得既而遍搜磨旗大牛
毛山崩土坎及河水熱水諸寨俘斬甚衆會元日五咀咱安守
將乘間徙去文達追之逼於阿羅哩乃先斬哪噤咱賊而諭
諸酋來降者當是時麻科諸羌方燒紙房堡平川驛為我師所
敗爭先乞降而把卜番牌若加柘等亦請款塞皆許諾獨贊畫
陳忠請曰以予所聞五咀咱及安守尚依樟木箐麻柳魚水以
為險樟木箐麻柳可通麻柳雪即熱水雲南魚水可通科州烏
蒙馬湖會川縱橫數百里間若不先據其險則西部一通何以

卒應今當以一將軍軍高山堡以備西番一將軍軍別溝以備
雪郎一將軍軍魚水以備科州置梁既布然後議剽盧白木木
拖而事成矣夫盧白木者五咀咱之女兄也木拖者安守之所
時往來也夫欲擒安守與五咀咱則非勦二寨不可於是王
言為將軍征木拖果獲安守而盧白木懼告五咀咱所在擒之
橙村遂并問桐槽黑骨及諸邛部皆次第攝伏惟黑骨夷阿弓
強梁公行相嶺間乃設伏大孤山待阿弓阿弓至大戰擒斬之
時斬首二千級降羌三千虜獲男婦牛畜無算其所獲器仗中
有金冠銀冠各造蟠龍護其頂而所獲番刀有名梅花聯五道
聯者皆羌中異物當時僭號諸蠻俱佩之

建昌疆場攷序

明范守已

建昌古郡邛都地自司馬長卿通邛笮於漢漸慕華風遂郡縣之制以為越雋郡歷晉及唐俱隸我版圖為編民被聲名文物之教者殆及千載其間小有寇亂而旋就誅夷自唐末為南詔驃信首龍所陷改名建昌府遂與中國隔絕歷蒙鄭趙楊以及段氏以據其地與宋相為終始雖藝祖以玉斧畫界不勤遠畧而千里衣冠之鄉棄為夷藪不無少憾云我太祖渾一八方夷氛盡掃攜五百餘年陷溺之民登之春臺而衽席之奇功顧不偉歟乃西南徼外夷無不解辨東髮版章其土宇利盡西海而止而建昌近在宇下顧有九夷盤據其間特用酋長以羈縻之而不盡繩以三尺何也包荒藏垢天地海嶽之量固爾然以宇內計之建昌固彈丸黑子地以建昌計之五衛八所之間犬牙所制周迴三千餘里其間山川之阻險道路之迂迴關隘之緩急城堡之疏數郡邑之變遷風土之美惡兵防之多寡職守之因革錢穀之贏縮文教之隆替其詳更僕難數司土者臨蒞其地而懵然無所知識其何以批卻導窾奏解牛之妙技耶守已不佞知謝庖丁癸巳冬奉命來飭茲土每披案牘輒苦扞格愀然不怡者以之明年乃褰帟損駟徧巡其境所至按圖而諮之

與息芻蕘不遺也暇則兼徵掌故互相攷訂積兩月覺有所見
此心豁然厯厯可指諸掌乃為是書以貽同志儻手一編而披
覽之一方之利病庶乎其有所洞悉云至於不疾不徐得心應
手自有輪扁之至巧者在予何能為焉

衛士髯龍梭君碣

國朝 吳雅笙湘亭
成都

丁夏甲子昧爽道出果山邂逅梭衛士文質得中指揮適用遂
訂出處交迄于今六十三甲子矣自入不毛為青蠅所苦晝夜
不得寐會遷怒驅逐拔劍不脫鞘遂以衛士暴擊之誤中石几
折其骨不復可用慙其相從之久而又歿於事也廼與相憐裹
以桃笙殉以退筆瘞之瀘山之陽並為竭志塚且繫以銘銘曰
天脫無情物胡生也人脫無情器胡成也下愚不及太上忘之
有情天下擔我當之矧君亮節用柔體剛指揮如意衛我行藏
蟲聚難圖蠅營未絕禦侮攻堅致君玉折今夕何夕星河粲然
可人如玉花鉏在肩送君南浦瘞瀘之巔不封不樹不隧不泉
清風為表白雲為旣完君素質補我情天大清二百二年膠衣
良月良日武擔山人並書石

募建北山觀音巖引

楊學述

環甯皆山也而北山為主闔郡之中皆賴茲山之靈矣山距城北八里山麓之間突聳巨石懸崖壁立三百餘尺崖巔一徑僅通人行壁間舊有石刻觀音大士像往者亦未著靈異也嘉慶壬申秋山之人有負重失足而墜於崖下者於昏瞶中忽覩菩薩現身救被難人絕而復甦竟得無恙似此屢有顯跡於是山之人彼此轟傳聞於城中城東有良家女瞽已數年度誠往禱竟得復明於是城之人彼此轟傳遠於公署 鎮憲張大人暨中軍德公右軍曲公聞而異之先後往觀乃躍然喜曰此大祥瑞也吾郡其有福乎雖然既有勝因當成勝果盍倡義建寺乎因言於 府憲德大人暨明府魯公則二公所見正與 鎮憲合焉於是兩大人乃進城中紳耆素稱好善者而諄諄命之曰爾甯近日有第一切要事汝等知之乎夫郡城五邑之宗主也北山靈則郡城永興而人材之蔚起農穀之豐登百工之雲集商賈之利倍胥鍾於是矣夫甯遠古郡也於山有瀘峯之高於水有印海之深軒然稱名都會者幾千百年於茲矣獨惜直北一山龍脉所鍾而未有莊嚴勝地坐鎮其間則茅塞之矣是何怪其不肯効靈耶茲者菩薩示現特於此山是豈徒為彼一二

人哉為地方也天下靈山俱開法界汝等其勉力圖之衆皆欣
然曰唯於是諸紳耆退而謀所以首事者而問序於予予仰惟
兩大人深仁厚澤鬼神合德故感菩薩之靈而昭然示現如
從天外飛來惟菩薩慈悲廣大函欲為衆生說法故值兩夫人
之臨蒞斯土而豁開靈境如同當面指示此其朽之盛事也諸
紳耆誠仰體兩大人之心而同心協力以求必濟諸檀越必
仰體兩大人之心而慷慨好施以勳盛舉佛眼遙觀降爾遐
福郡城之人不能獨當也其五邑實共被之雖然人情難與圖
始好生議論或有勦襲坡公掘地得泉之說者以為菩薩化身
幾千百億優曇鉢羅第一現耳滿月金容奚獨戀戀於此山而
不知非也夫掘地得泉則醍醐甘露普潤一方猶得曰水不在
是乎然則因山之靈共立精舍勝跡天成萬人朝覲北秀南能
重光累葉猶得曰佛不在是乎他時殿閣巍峩香烟縹渺梵唄
時聞鐘鼓不絕上以副兩大人培植之心下以資一方生民
之福後人之陟彼北山望之儼然咸指而目之曰微夫人之力
不及此也故君子莫大乎與人為善

募建光福寺天王殿引

揚學述

瀘山光福寺創自晚唐歷五代兩宋金元至明正統初勅賜金額蓋千四百年於茲矣金剛殿則山門也

國初肅賢親王諱富玉色題青蓮淨土四大字居然先代法物再進則天王前殿也又進而高閣穹窿中供三世尊佛即正殿也其後為三清殿為古佛殿正殿之側或為寶蓮宮千佛繚繞或為仙姥祠求嗣應驗前殿之旁為觀海樓樓以外瑞木蔭森靈禽翔集而汪洋數千頃與天光相接者則印池也漁舟煙火月露水霜四時之景各萃樓前遊者忘返而在其左右為經樓為

祖殿為香積為僚房統廿餘年間皓月清池真僧入定黃花翠竹老衲談禪誠為一郡之神臯隩區五城之世祀香火也往者大覺高僧相繼焚獻大力長者無恡布施幾經培補長為勝地乃年代遷移新者已故風雨剝蝕固者亦頽則大修大補不政有待其人哉然幸佛法有靈真僧間出前往持僧傳光者二九出家銳意精進遂悟非常妙理不及十年竟將正殿後殿寶蓮宮東西廂先後剝修巍然壯麗於時一誠昭感萬心踴躍官紳賈庶金錢雲集正擬逐次募修力彰厥境而光師忽告歸西所未果者若今之金剛殿天王殿為尤急者也且夫天王四聖法

力不可思議其靈著事蹟見於夷堅志及太平廣記諸書唐宋
以來每命將出征大軍屯處必供天王屢獲庇佑今甯郡城西
越邑城南皆有天王廟蓋前朝屯兵處也是天王乃泗洲福生
大千生佛豈沙門所得私哉况此殿在光師時現經朽敗已同
為爾日之仁人君子所有志未逮者矣光弟子海注每一概念
不敢怠違而果斷策謀何時蔑有適遇此日之君子仁人努力
相助果蒙 大護法文武大人公祖父母什方信士檀越巨商
大賈發菩提心種福因果往期一粒粟米來世萬斛珠璣計自
嘉慶十五年春夏開緣募化秋冬興工凡四三年間而浩大功
程燦然有象矣而天王之神其妥矣其鎮法山門挺秀禪院殿
閣之風水更稱奇觀矣猗歟盛哉佛號經聲引人回向晨鍾暮
鼓發人深省上祝

皇圖與天無極下佑生民咸登仁壽吾知合前後正側本為盛地而
今之盛者依然也然猶有望於後之相繼為盛云云也是為序

公修青雲路碑記 即今之海門橋

楊學述

建城之南填蜀之孔道出焉先代時距海尚遠地勢坦平道亦如之比年以來風濤漸壯波瀾日濶夏秋之間一望無際烟水蒼茫道瀰漫不可行也歷有年矣今年春乃得倡義數君子慷慨重施於前又得好善諸君子陸續資助於繼衆心踴躍神靈默扶今則王道蕩蕩矣功既竣二三耆老博帶我冠造予請曰吾鄉之有是路也冠蓋之所遊歷商旅之所經行西會鹽三邑東西二鄉居民之所來往日以千萬計矣吾鄉人之欲修廢舉墜易陂而平如砥如矢也無日忘之矣往者多故歲亦不登而計費不貲捐施未集是以遲之今海內昇平民康物阜我瀘山邛池間竟忘帝力惟日遷善際此時和歲稔人壽年豐諸君子乃得於其間從容圖議繼長增高更新古道既以利夫行人無煩國大夫乘輿之濟又以培夫風脉以成夫菁莪棫樸之化蓋有幸焉不可以不記也善哉吾鄉人之果於為善有志竟成哉予因其有培於文運也為易其名曰青雲路遂記之

重修 文昌宮碑記

將以齊人心厚風俗端士品俾能砥礪乎夙夜而糾虔其神明則必立之教養以裕其基導之禮樂以宏其化廣之師儒行修聖哲訓典以滌汰其凌矜躁慢惕之肅廟雍宮屋漏鬼神以嚴勵其衾影幽獨古之善為治者於此具本末焉區區廟祀魏哉土木工費以妥以侑謂科名嗣祿妄希福報心世道者感喟以之西昌為郡附郭首縣舊有文昌宮創始於元至正間明嘉靖時圮邑紳藁城令何昶重修及今三百有餘年矣規模粗具而体制未完々々承乏茲土以思拓而張之時 府憲桐墅翟公

以為治民事神皆時政之大者因都人士踴躍從事而益鼓舞獎勵之首事等因舊址購民地以濶其左不足於右飭工釐以石補治正平於是桂香殿巍然高踞啟聖有祠奎宿有閣肅穆壯麗秩如翼如又以其餘基建道統祠而望山樓之前長康重撩區十八啟集居人稅息以資羽流焚獻之費經始道光七年々月至々月而大功告成總計工費五千有奇噫斯固守土者之責而諸君奮勉振作始終相與以有成亦人心風俗之見端乎雖然予更有為此邦告者考天文書漢晉二志斗魁戴筐六星曰文昌宮將相祿命無所不統非獨以文而已也及觀王氏

見聞諸書謂 帝君於西晉未生越嶲張氏始跨白驢而仙掌
司文章之籍夫越嶲古郡地甚遼遠非僅今之越嶲廳屬也有
至人焉生其間百千萬年皆足為桑梓光榮邇來 朝廷特頒
春秋祀典拜獻禮儀與 武廟並隆何其盛歟豈獨特此一祠
一像能顯攝乎夙夜而糾致其神明遂足為齊人心厚風俗端
士品之至計乎抑亦謂官斯土者治術偶所未逮俾邑人士側
身修行言動如或糾之致齋蠲吉煮蒿悽愴心目如或見之井
里蒼赤心惕靈爽儼乎左右而式憑之人所不治者神能治之
不必神果治之者日用倫常早能取不覩不聞之本心而自治
之以默契乎神而不啻神之若或治之則綠器斂心即像斂神
祠廟之崇為不容後矣予欲探為政之本日競競與吏民相勗
勉而士首四民文昌宮尤士子之鑑觀有赫而寤寐神依者揭
此說於石為邦人士因端發凡焉記而進之以規斯亦神聽和
平者歟是役也明經李君際泰總任其勞歷久不倦國學陳君
長龍捐金幾千好善為最至諸紳之勤勩事者某某飲多金者
某某例得備書之以志勸

藝文

新建

倉夫子聖廟碑記道光三年

楊尚岑

文所以載道也而文非字不能成大而帝王之詰詔聖賢之經典小而官師之詞章庶民百工之契券上下數千年縱橫幾萬里一紙之書宛如覲而已往之事儼在目前字之利賴於人溥矣賴其利而可不知所以報之乎西昌初未有

倉夫子廟缺典也歲首闔郡士庶建修字庫於明倫堂之東南因思制字始自


夫子請於郡縣度地於其東修宮寢俱報曰可於是劇金庀材經始於四月落成於九月為宮一為堂一為門一其旁翼以兩廡丹楹刻楠金碧甬皇中供

夫子聖像春秋享祀以妥神靈廟成士庶請記其事嘗考

夫子之制字也天雨粟鬼夜哭蓋挾天地之精華鬼神亦呵護之也今闔郡士庶飲水思源竭誠建廟敬字因而敬

夫子可謂數典而不忘其祖矣抑予猶有進焉敬字者非徒敬其蹟尤當敬其意舉凡非理之詞不形於口無稽之語不筆於書搦管為文皆執於道則能敬鬼神所呵護者鬼神亦必擁

護之將見正學昌明人文蔚起文風蒸蒸日上科甲翩翩連
登矣士庶勉乎哉至於捐金庀材其功亦未可沒故備書於



重修建昌文廟記

李賢

建昌儒學創自有元及今幾二百載廟學頽廢祭奠講肄弗稱
都指揮僉事涼山宮侯捐已俸率屬僚及尚義之士庀材鳩工
命指揮陳譔董修治事經始於成化己丑四月落成於是年八
月增舊起廢撤隘陋而新之廟學如宏祭奠諸肄各有其所來
游來歌之士鼓勇登進視者為淳其學訓導鍾誠走書來索記
余惟建昌古邛都也勝國時或郡或路建置不一入國朝始立
為建昌軍民使司直隸四川行都指揮使司為四面皆夷居其
地者悉武弁之士其所職坐作進退戰陣之法其所轄雕題推
髻侏離卉裳之徒知尚武不知尚文雖涵濡聖化日以求知文
之經緯造化合文武為一道者不多其人焉宜乎宮侯崇重廟
學作興於斯文也嗚呼天不廢斯文於建昌生侯來茲都會其
事獲有今之作興歟斯文在天地造化萬物旋轉弗窮萬物籍
以陶冶弗已不有孔子任斯文於在已範圍天地陶冶萬世則
旁蹊曲經迷惑正道人將舍正路而弗由也况夷地去中州遠
而習尚素異者乎欲傳孔子之文於遠地不從廟學始其何以
聳觀視起鼓舞作興之效昭人文化夷俗拓治化於無窮今廟
學已修文教聿振遠人顧瞻各思振發投戈棄爰改辦改容去

夷習尚文化君君而臣臣父父而子子夫夫而婦婦長長而幼
幼家詩書人禮樂爭鬪不聞淳龐熙洽儷美中州時將稱為小
鄒魯矣抑余聞魯修泮宮淮夷卒獲虞芮爭田質成於文王之
化建雖夷裔能不思感孔子斯文之化乎匪直藩臣與職教游
歌之士祭奠講肄有所人才湧出賢才世用侯之尚文而宣武
崇本而化遠於一廟學之修豈不槩見乎凡官於其地隸於其
屬生於其間者不思昭人文以拓化原講武備以固疆場判文
武為二途非特有辜侯向日作興斯文之心其自棄淪沒而甘
於夷風有愧斯文獲罪於世吾無望於後矣其演教之之術振
發以求光於其地又在表者與游歌之士自勉爾宮侯字彥
常其父聚嘗掛平蠻將軍印平雲南麓川累建崇功累官後軍
都督府都督侯蓋能世其勲業云

學田記

明王廷簡

國家綏治以文戡亂以武其道未始不相為用而未得其情者
往往柄鑿視之殆未知先王之所以衿帶其甲冑而教化其刑
者其機在轉移之間耳故臯陶一士師挾章程以其職冠夔契
而不為讓知有虞氏之以法開教養也有虞氏之用臯陶也水
土尚未及平而首誅四克是先除厥害而後興以利也夫周官

有司馬有司寇若專為兵刑設矣而司徒伯宗亦曷嘗不陰籍其功然後得善於其職哉余嘗竊持其說以求世之當事者而鮮見其人乃今於五嶺周公一見焉公以丙戌之歲奉上命持飾備兵建昌蓋主爵者為邊圉計故籍公往也公至召父老子弟及閣屬文武將吏詢之曰吾聞此中法紀隳墮夷孽縱橫為吾民害吾欲去若害以安若民計將安出眾僉曰害之大者在土首其首惡如王大咱五咱安守等內外協謀畜養亡命嘯聚山谷劫民財物燬民廬舍習以為常且占據各處腴田自食而文武將吏莫敢誰何也其無他故足矣欲去之誠未易者公聞之輒然曰玩寇滋一方生靈歲罹荼毒皆吏之弗職也

吾伏國家盛德即步武外艾夷其人甌脫其地特運掌爾何憚勞哉公亟請於兩臺疏聞於上議提兵並剿之公身率一二將帥指授秘法阨險守要務執渠魁會不閱月而二首授首從賊安守等亦就擒戮遂馳露布報闕下以紓天子南顧之憂說者謂此捷當與武侯渡瀘之師並勒旗常矣公曰夷孽既除民稍安堵其所以計容蓄張教化為疆場以遠慮者不可不之講也乃檄所司覈五咱占地盡没入官起科徵糧計歲得租米八百餘石以充兵餉復查出安守賊屬木托村田土九段共計一頃

有奇歲得租米七十餘石公以衛學設在邊隅每歲諸生赴考
科拔渡瀘踰嶺跋涉艱辛即以此充學田歲收租米貯之學官
酌量輕重以助脚費或有積羨則贍給貧寒婚喪催輸責之衛
所出納主之教職田有定界佃有常戶租有常數歲有卷冊咸
有稽覈此百世之利於是該衛父老子弟咸舉首加額相為慰
諭曰惟茲壤地皆王土也不幸鞠為盜藪滋夷養寇者百有餘
年賴公經畧一旦剪除荆棘以助菁莪之化俾我士類出無憂
於跋涉入無憂於俯仰皆公賜也今而後有弗能專事詩書以
應上求砥礪志行以終公志曷名為人然弗勤言於石無以昭

示於來茲也廼屬署學

平博士羅君世守率通學諸生丐余

為記余伏處山林荒廢且以曷能鋪張盛事然樂觀厥成竊嘆
公之是舉握成算戮元亮俾邊徼赤子脫鋒鏑死亡之悲亦既
偉矣廼更軫念邊士給美田樂育之資是真能以法開教養者
匪其忠猷卓議得文武並用之精孰能然哉詩云文武吉甫萬
邦為憲今上慎簡廉才為九邊鎖鑰行將付公俾贊廟謨綿宗
社靈長之福其為憲萬邦也又奚疑哉公名光錫號耿西東粵
之湖陽人為隆慶辛未進士歷官南曹即出守順慶其惠政德
澤之在順慶者不可盡述其有造於邊士者如此俾異日有考云

為僧綱司通行嚴禁婦女入寺燒香示

奉有部文
通飭嚴禁楊學述

查甯遠地方民風素樸人多儉嗇開設場會固屬從來未有惟有
既老善女年經六七十以上自以閱世既久備歷酸鹹因此回心
向善冀修來生或上正上九或四月八日或二六九月要約同志
多者不過二十餘人少者十餘人就本鄉近處寺院延請老成僧
人代為具疏潔誠入寺拈香拜佛相沿已久其中並無別故本僧
綱素所深知似亦無庸禁止但老善女等入寺非止一人保無有
過於慈悲間或攜帶少婦一不燒香二不拜佛不過希圖瞻睹法
會以廣見聞雖無

心情好生議論旁觀便謂不雅致滋疑

竇亦未可定竊思

整飭地方之責欲端風化漸不可長

所以嚴禁婦女入寺燒香蓋為防微杜漸並非吹毛求疵也除另
行遵稟外合行出示嚴禁為此示仰所屬僧寺尼庵各住持等知悉
嗣後毋許容留婦女寺燒香其庵寺等處或有閑房亦不許招住
匪人致滋事端至老善女等均係有體有面之人各宜自重爾等
有心皈依何須見像靈山只在汝心何處不是道場爾等各家自
有淨室約得女伴數人即可設齋供佛何必遙遙入寺乃成善果
自出示嚴禁以後再有入寺燒香者一經上司查知本僧綱定行
按名稟出以違禁論勿謂示之不早也事關奉憲查禁各宜凜遵

藝文詩

五月初旬雨後同閩帥田周川觀稼南郊因泛舟邛湖登

瀘山望海樓和壁端諸大夫詩以紀興

嘉靖二十五年丙午夏朱簞山陰

夜雨侵晨發野堂夏畦今始插春秧壯心甘滯夷荒遠遊履欣
逢化日長海國無塵迴宦轍禪池有水泛慈航瀘山即是香山
景興客相逢羨會昌

天際瀘山繞碧流偶因觀稼復來遊巖巖隱見雲城簇樓閣參
差水國浮隔岸有綠窺島嶼就深何計問方舟莫嫌吐納乾坤
濶有客揚帆在渡頭

山閣晴窓海屋通漁歌
水日水聲中地當南國風塵別景入西
湖臭味同尚憶星樞臨極北遙聞鼓角震天東笑談盡日元戎思
聽受慚予耳宋聰

五月荷花未放紅湖臯先已動香風渭浮春樹天無北海浴扶
桑地有東野合烟山迴夕照樓含雲水接晴空艤舟相對金樽
月賓主徘徊倒影中

謾勞春去悲啼紅望海樓前起趕風梅雨有情飛嶺北梨雲無
夢出江東心旌未逐鴻毛落眼界能明月鏡空與客休論榮辱
事湖山長在酒杯中

觀稼南郊獨倚樓海風山月似清秋湖光草樹烟塵靜人跡乾
坤日夜浮影動玉龍靈鷲出氣吞銀漢彩虹流蒹葭深處伊人
在我友攜舡共遡游

未必籌邊在此樓星河搖動海天秋葵心自許孤根壯萍跡休
論一葉浮人事有懷鴻北去世情無計水東流且將乘此叩湖
興和氣相陪日夕游

武侯祠

碑在大教場堂屋偏西下有龜趺常在箭道顯靈異
凡武官標演武童考試皆祭馬萬曆二年甲戌

楊

芷鄭子

南陽孤榻自高吟英主頻先命駕臨霄漢龍光天欲斂君臣魚
水誼還深三分早定躬堪六出應輸盡瘁心萬古精忠裡祀

肅風雲常繞畫陰陰

龍崗窅窅碧雲深流水高山理淨琴圖霸一臣猶別調耕莘三
聘是知音八門神秘開天竅二表輝煌捧日心漢業未須悲運
改勲名赫奕到而今

瀘山寺飲至

萬曆丁亥周光鎬潮陽

戰後河西百砦空黃雲白草刺悲風鯨鯢戮盡成京觀叩海波
濤血尚紅

宴罷轅門日色曛推牛醜酒勞三軍鏡歌已奏平蠻曲銅柱應
標雪嶺雲

明王大咱五咱等嘯聚諸蠻劫掠焚擄將軍劉綌兵備道周
光錫勸平之

觀音閣

萬曆甲午范守己

慈雲高護翠微巔一片湖光接梵天
座擁須彌躡白象波澄苦海種青蓮
金繩界處祇林密寶筏迴時珠顆圓
借問闍黎三昧法靜中學坐野狐禪

瀘山大佛寺

明劉鱗長

梵刹瀘山古巖冬一夜寒禪房依翠窟
佛殿出蒼巒寶色金攢界瑤華
画鎖欄座高烟罩名土淨草含丹
叩海開天鏡瑤峯駕

玉鑿昆婆身化跡仙石印印癡碑斷千年
字林圍百尺幡麝香眠竹潤鸚嘴
啄花殘獻饌供珍果薰爐散碧檀
晨鐘清漢上暮鼓紫雲端咒鉢龍翻水
敲牀虎繞壇有僧談祕訣無俗溷蒲團
清夢通幽氣幽窓朗曉觀紅雲生頂蓋
白雪渡雕鞍得意誰能會浮生我自寬
邊庭堪吏隱好此學禪安

瀘山寺古風

劉鱗長

憶唐天祐間有僧慈忍圓眉長一尺許
建刹瀘山崙造此三身佛勒碑垂弗
謖土人張俊者夜半高聲聞騎馱萬
虛空持世聖母尊道是昆婆化喚醒
齋僧魂聽言捨身去移寺半山墩中
有

登僊石相傳西僧群結菴修行後攝此升天門又有一手印景
淨寺內存迄今西域僧恒年摹印文回向恭崇祀如祀祖元君
古木禪關靜滄波鏡面紋祇園田有福淨界氣無氛誰爲方丈
室貝葉翻朝昏公署日相對咫尺萬里雲

由郭外海邊至瀘山

貴筑 劉應鼎 曉村

為愛烟村好尋幽到海邊漁舟時泛泛浴鷺亦翩翩觀水雖無
術登山幸有緣欲貪雙眼潤又上一高巔

偕友登瀘山

劉應鼎

石葉梯盤踏翠嵐扶筇西_山到雲菴披襟應許風堪御揮塵還
疑天可談隔岸有山都_入 當樓無水不拖藍勝遊莫厭時過

逐好把幽情任取探

樓外山光紫翠浮樓前海濶水天秋秧田苗雜青黃色村落入
居烟火稠竹裏禽聲風度曲座間笑語酒添籌也知未是長留
處且喜偷閒竟日遊

李紹臺顧振宇二都閩邀登瀘山寺次石上周耿西公韻

霽色千秋映碧空憑高冉冉送春風禪房莫謂多岑寂贏得桃
花幾樹紅

把酒臨風日欲曛旌旗閃閃駐三軍相看更是添幽興一片晴

湖落紫雲

早春李顧二都問邀遊瀘山泛邛池

顧汝學

瀘山春晚氣氤氳下有池從海穴分山水天然如幻出飄飄一
棹凌烟雲彈絲擊石將進酒桃李芬芳迎笑口漁人舉網得細
鱗烹向筵前酌大斗停橈更上觀海樓蒼茫一望思悠悠昔為
鯨鯢爭戰地今作衣冠汗漫遊李驃騎顧虎頭願同守此西南
陬予欲浮槎東海去看君談笑覓封侯

國朝

暮春東鄉勸農小憩於

采氏祠偶成

查

禮儉堂
宛平人

東郊霽色映青旗雨後鄉村

處處宜十里秧田平似掌三眠柳

線軟於絲弦歌不輟川心笠姐豆常新宋氏祠正是農人無暇
日且同耆老話幽詩

冬初遊瀘山有序

長白

德

福

嘉慶七年壬戌之冬十月小陽邑令葛村李君招遊瀘山所以
乘時令備觀覽也於時邛海之波瀾不興瀘峯之巔崖特聳山
村黃葉遍染如金嶺上青霜微黏似雪香曇聞乎寶刹時聞暮
鼓晨鐘斷澗隔以重巒惟見秦松漢栢到此則有澄空宇宙之
心超拔塵寰之想矣既而仰觀則烟雲變幻俯察則品類流行

大川之內水色天然山岫之間雲鬣霧髻花香鳥語不知春去
幾時猿嘯鶴鳴似驚客來何自誠不知其興之何極也至於覽
古蒙段之祠憶仙姥何修乃望蒼天而神飛碧落笑蹇驢何幸
竟履古栢以步上青霄古蹟仙踪前因杳杳邊城塞草舊事茫
茫恍置身汗漫間矣夫建昌一郡古西南夷司馬相如之所持
節諸葛武侯之所南征與夫韋南康李衛公之所運籌歷代以
來莫不陳兵大渡設險臺登方且豫防之不暇迨入

本朝百餘年中荷旃被毳之流雕題鑿齒之輩胥皆重譯獻貢
辮髮來朝俾吾儕今日得以優游登眺穆然見山高而水深其

沐浴於聖化者深矣是句無詩以紀之乎同遊者自什中軍陳

右軍而外幕僚湯紀堂王也癡及子兩蒼共得詩二十四首非
以炫才聊誌其盛云爾

歲稔時和四境平瀘峯高處望邊城海明若鏡潑洄出山翠如
屏蘊藉生古利魚音偕鳥唱深林樵斧伴溪聲良遊到此塵根
淨但覺靈臺澈底清

老幹凌霄五粒松九天雨露潤蒼容神歸仙籍延遐壽腹結靈
丹照遠峯得意南山顏不老消閒冬嶺性不慵何須更愛秦封
典會見風雲欲化龍

千級攀援欲問天白雲深處景無邊遙看郡國如瓜小細覽山
河似月圓酣戰英雄成往事入空佛子不知年到來不肯輕歸
去過眼烟寰倩筆傳

啣命西甯遠戰鄉夷情民務日紛忙公餘好赴瀘山約雅集欣
登釋子堂蕩蕩江嵐同引轡茫茫烟水共浮航輕裘緩帶文兼
武幸際昇平感

聖王

前題

什 錄山隱

百戰疆場見太平一時才力呼邊城衣冠際會逢其盛山水因
緣悟此生日下觀魚疎網思前射虎角弓聲廬陵太守休辭
醉景極新奇釀極清

周遭翠竹與蒼松中有神仙絕妙容縹緲三山疑弱海依稀五
老認瀘峯酒軍詩敵鋒初銳附葛攀藤性不慵便得品題佳士
否百年今日快登龍

小陽時節百蠻天杖履登臨到極邊歷歷飛泉天澗女亭亭古
栢十圍圓題詩客去知何處採藥人歸不計年應羨茲遊最奇
絕建南山海自今傳

依然風景似江鄉訪勝尋幽鎮日忙道義交遊同白屋湖山管

領屬黃堂香蕪碧草還三徑雲影天光集一航踏破禪關成獨
笑不須稽首拜空王

前題

寶安
陳文耀

高山流水際承平豪興真同獵渭城千里登龍容後輩一時放
鶴認前生前朝戰伐蠻荒地今日膏腴鷄犬聲杖履莫辭頻遠
涉遨遊難得趁時晴

盤桓到處撫孤松詩且閒吟酒且容嵐障千般連曲徑海天四
面倚高峯偶尋名勝心還熱除却登臨性極慵莫歎此遊遊未
盡不全首尾是神龍

萬頃玻璃浸碧天蒼茫光景望無邊西風小院梧桐落斜日前
村橘柚圓勝友如雲欣此日壯懷破浪意何年也知遊覽尋常
事好看新詩萬口傳

黃葉聲中第幾鄉尋幽覓句不知忙葦鱸滋味牽歸夢山水因
緣訂草堂核子飯香浮輦鉢蓮花座正接慈航武夫強與文檀
事紫電青霜欲愧王

前題

江陽
湯佑光

瀘峯高與白雲平皂蓋朱幡曉出城選勝嶺頭賓從集看山郭
外蔚藍生寒花落地初無影野鳥依人尚有聲識得醉翁遊賞

興環滁風月仰雙清

老栢參天問碧松虬枝夭喬露蒼容千年鶴去留仙跡百歲芝
存蔭遠峯石上談詩僧院靜林邊曝日客情慵太平盛事傳荒
徼人似祥麟馬似龍

海門風起水連天指點滄州白石邊拍浪輕舟浮葉小凌空皎
日射波圓西湖太守原豪興南服將軍正盛年積得荆關圖畫
本他時合與口碑傳

邛笮西南盡瘴鄉偷閒聊釋簿書忙江山高下憑飛檻冠佩追
隨會影堂幽澗風生吹短袖長湖落日引歸航邊城久已烽烟
靖到處旃裘共享王

前題

瀘峯峻起與雲平古寺寒烟接遠城黃橘熟時香味遠青松斜
處法音生層巒自積蒼然色遼海空聞款乃聲此日追隨依五
馬山光也共水涵清

亭亭百尺大夫松彷彿秦時避雨容仙植舊藏何氏種靈根獨
托段家峯慣經霜氣顏宜古少作濤聲性已慵塵世不知神物
異但平鱗甲到猶龍

悟得空中別有天故應望處已成仙慧心豈為浮雲蔽法眼何

殊夜月圓人閱幾朝惟識惟樹留千載不知年
竭來寓目虛無處尚有音蹤異日傳

尋幽選勝到仙鄉信是清閒意不忙
得向松間逢藥室旋從海上覓龍堂
鳥隨客散三秋月雲逐帆收一葉航
豐樂亭成誰賜澤福應並受慶明王

前題

吳興王仲堦

晴嵐隱隱道平平皂帽青衫乍出城
碧海何妨資放浪青山重與話平生
遊餘荒徑黃花色不盡西風落葉聲
莫問西園圖畫筆坡仙詩句自新清

竹外高亭亭外松明窗淨几膝堪容
千尋直上盤旋路一覽全收遠近峯
飛鳥徘徊無約束山僧迎送本疏慵
等閒自盡登臨興不羨雲間陸士龍

西山爽氣午晴天鎮日光輝映酒邊
躍馬懸岩金鐙窄射雕垂手角弓圓
仙人藥種千圍樹詞客名高萬歷年
好是風流賢太守醉翁亭記又新傳

淡月疏星照醉鄉勝友還惜太匆忙
不須示飲罰金谷自有新吟步雲堂
入室飛鳧尋屬屨橫空老鶴認歸航
此遊欲訂三生約記取因緣問梵王

入越雋望西南諸山乞倪春粗上舍越寫意國吳雅笙湘亭成都

荒雞號碣樓松林挂殘月金羈控怒馬緩轡入甯越蠻山插天

表詭怪色深墨綿互出南塞掉尾峙西北奇寒聚峽口九日災

不熟路轉忽晴霽萬笏森羅列山要日橫白雲絕頂貯古雪寥

天更超妙一片襯深碧丹黃皴壁蘇紺綠澣石脊燦若金銀臺

迷離紛五色就中雪自在萬古鎔不得山陽或偶漬崖陰尚填

塞淺深交互間更與施鈞勒或作水雲態魚鱗鋪萬疊或作在

天龍東西現鱗鬣類人忽似獸幻宮復化闕有時偶挂漏以霧

補其缺如是極變態欬狀第筆舌我生慣遠遊銷磨幾輪鐵竭

來眼界開異境驚奇闕天然示粉本不待增塗澤大筆乞倪迂

寫歸補虛白

郡齋口號

吳雅笙

小柘疎櫺望遠岑蛙瀘蒼削氣蕭森吹笳牧馬夜何處別雨淮

風愁更深十吏分抄新草檄片雲初寫故山心敲詩不待參蠻

語已有邊聲入短吟

丙午五月既望陪王春舫太守者政觀瀾印池遂登瀘山

讌集海上樓是夜余獨留看月出
吳雅笙

瀘山迤邐環印海海不桑田山不改神僊從古好樓居楚宇琳

宮待千載武擔山人肆游覽蠟屐尋幽興不淺東窺灩澦下瞿
塘西上岷嶓北雲棧側聞南海帶金沙橫空亂插青蓮花碧鷄
夜吐天心月金馬朝飛洞口霞中有沐日浴月處瓊瓏樓閣鎖
煙霧便擬乘風入不毛朗吟飛過瀘江渡邛都使者今曹震一
麾叱馭臨邊郡招我同為汗漫游妙境憑空落心鏡伏策新從
棘道來桃花馬踏亂山開九夷八蠻盡履坦不須草檄通邛峽
採風到處傳海溢頻年海上成蛟室臨淵結網剩餘夫徵輸父
老長縲縛如是我聞心懸轆下車使者更神速不說觀瀾說讌
游一笑胷中有成竹是時五月江水深弓刀小隊快登臨閩傳

謝客游山去那識曹侯治水心明初滇南平置建昌諸衛蜀帥曹震始伐山通故道並疏鑿諸

水下游自小相公嶺北咸入馬湖江南咸入金沙江此邦始無水患

我亦副乘來海隅但有海水無田廬舊說豁人心目處到眼都

成鄭俠圖花驄獨出疾于電降原陟獻咨詢徧源委如觀指上

螺深可淘溝低作堰不必燃犀照九淵危樓憑眺且張筵登高

能賦有潘陸府幕南來諸君咸在坐酒人既醉誰顧曲晝永如年樂未央

更期邀月樓頭宿西山落日催鳴騶聽我浩蕩同田鷗上方塵

榻呼僧掃竹裏行厨為客留暫時分手蒙祠下笑屬櫻桃侍遙

夜菊部王郎相憐適侍讌因留伴余風馬雲車一例歸夕殿空餘蝙蝠飛山中

夜氣息羣動方外鍾聲落翠微佛燈一點夜凝碧似引薄寒侵
几席不聞不覩觀我心宛若洪荒未開闢須臾海上光微生鬢
鬢有影涵太清萬道金蛇忽飛舞湧出波心皓月明相看忽覺
月太古閱人閱世更僕數阿瞞橫槩亮登樓牛渚雪堂誰繼武
風蹴銀濤夜有聲碧天如夢海雲平殘宵有酒且斟酌為蝶為
周任此情雙九代謝鳴雞早晨鍾送客出林表殷勤重與瀘山
約探梅來看印池涸

壬子孟冬余奉檄建昌之暇偕鍾繼堂昌勗出城登瀘山

望海樓口占

魏元燮 魯樵湖
南安化人

一鞭遙指到瀘山滿郭晴光豁我顏古刹同登千百級危樓入
望兩三灣印湖水落魚多隱佛殿梵空客亦閒此地曾經征戰
後武侯功德著人間

建昌竹枝詞

楊學述

水郭山垣繞建城關門鎖鑰自天生要知山水清佳處二百年
來享太平

建城

人烟輻輳貨堆排填滿東西兩道街高唱一聲橋上去賣花童
子着花鞋東西兩街

平分兩界東西鄉勤讀勤耕處處忙好是遲遲春日裏男兒播
穀女求桑

東西兩鄉

瀘山翠秀似廬山望海樓前水拍欄記取三春流覽日澄江練
裏列層巒

瀘山望海

行同鏡裏認邛池向晚遊觀景更奇昨夜月明千頃白誰浮一

葉賦新詩

邛池玩月

海濱村落半閑人終日醺醺為惜春若問酒錢何處覓無庸播
種但垂綸

沿海人家

楚語吳音半錯訛各鄉場市客人多日中一集匆匆散燒酒刀
頭馬上馱各鄉場市

招魂初罷日升東吹角高歌夜夜同巫教果能療雜病竟教醫
藥莫爭功

跳端工

仲春八日佛生辰野鬼無常可駭人最是掛燈求福者不知虧

體是虧親大佛會

來年皆熟夏為秋郭外青黃麥氣浮山下數家纔動手海濱一帶已全收觀割麥

少婦誰家羨日長出門趁伴學栽秧田間競唱巴娘曲相勸工夫各自忙觀栽秧

種豆為萁劇可憐除其非種分當然誰家跣足攜鋤婦襁負兒郎背上眠觀芸豆

如墉秋稼盡茫茫整頓霜鏹西復東共慶今年輸軸易來年可似本年豐觀割穀

不似海田例候潮亦無少井聽商消南人但識私鹽利爭羨豪家竈幾條益井

年年養種上高枝商賈懷金待摘時全仗兵丁與衙役能防梁子客胡為垂會

杉木冬磨出建昌沿途販運比琳瑯背茹獲利如背板可養窮黎餓肚腸杉板磨茹

夏日炎天魚躍淵漁人相賀得豐年綠波聲裏呼圍網漁婦村庄競攬舡觀打魚

連鄉火把照天紅六月為期問土風一自平蠻廻轍後至今人

念武侯功火把節甯俗每年六月廿四日家家晚上門前悉
樹火炬照耀如同白日世俗訛傳以為土主為神茲
土鄉人迎之遂成風俗其說不經聞之故老乃武侯平蠻迴轍
過此土人喜之因天色已晚乃以火炬迎送云按武侯平蠻在
今緬甸地孟陞孟定可徵

種落滋延擾建昌依山阻水各為王自從共凜王章後無復吞
噬似虎狼各土司

獨超黑骨擅威名辨髮拖裙安風英任爾冤家爭得狠隻身攏
去氣皆平安土司

竹枝詞有關本地土產人事鄉談是亦採風問俗所必需也舊有楊紹庭二十首予易其二首畧以當風俗云

建南十景

瀘山遠望八景詩

瀘山登覽景無窮城南十里有瀘山上有道院梵宮谿花澗草

檻外波濤接太空下有印海迴圍四十里登望海樓則見一碧

古寺曉鐘驚石子城中發蒙寺有石爐一座中有石子每當瀘

印池夜月唱漁翁印池岸上大小漁村皆水上生涯捕魚為業

蓮開西沼圍宮館城之西鄉二十里許地名蓮花池宮館即城

瀑掛東岩吼雨風城東五里大頂山之崖有泉直下如掛布然

螺髻四時常積雪古有螺髻寺隱而不現當天氣清明聞鐘鼓之聲見殿閣

也形然雲封霧鎖終可望而不可即今所存者小螺髻寺也內有銅鐘上鐫天順年號按天順係明英宗

一株寶樹抱青龍海之深不知其幾千里也前有學博帶水手一名命下海底探之則見青龍蟠珊瑚樹一株

瀘山蒼翠

半壁撐霄漢甯城列畫屏雲穿高閣白玉皇閣查觀察有孤雲閣額鶴戀老

松青石磴千層上金鐘萬法聽南天真面目隱几記曾經

邛池印月

天空臨皓月海上最分明境過銀河界人來水郭城龍宮懸寶

鏡蜃市接蓬瀛詩思因迤邐孤舟幾度橫

東岩瀑布

誰鑿高峯項奔來最上頭千尋飛素練百丈下通海濺雪噴如

怒穿雲冷似秋蟠龍驚欲怒復住滄洲

西沼蓮香

避暑就銀塘新荷襲遠香來欽君子德宛遇好風涼翠蓋迷烟

柳紅衣映畫航城西十里外樂在水中央

漁村夕照

水上生涯樂人家近海門相看戒錦句返照入江村晒網堪追

影停舡尚負暄待看春晚飯帶月笑言言

螺峯積雪

螺峯高萬嶺晴日畫中看殘雪千年積深山六月寒誦經衣怯

薄覓路力俱殫仙境誰能到飛來鳥亦難

古寺聞鐘

夜半蒲牢吼悠然感梵音似傳三邈法頓覺萬山深是道皆空
象諸天忽在心怪來城西寺石子聽升沉瀘山晚鐘一響發蒙寺石爐中子自動

蒼松挺秀錦川橋下路東有古松一株老幹高聳垂蔭數畝旁有碑記上刻蒼翠奇觀魁麟書

六詔天南路孤松甚壯觀盤龍遮地角駐鶴倚雲端鱗甲千年

古風霜百戰寒亭亭垂蔭普應號大夫官

香泉烹茶香泉村城東七里許地湧清泉味甘如醴烹茶煮粥可以却病建城水之佳者此為第一

一勺清冷水香來十里東堪桑亭用酌與釀泉同甃井千家

養興詩七碗工爭如誇玉有調有蘇公

清池靈應城南甲第有泉自地湧出其味甘美遇旱取水祈禱每有靈應

何地湧清泉城南古道邊乘龍曾降雨飲馬不投錢有味真如醴為靈或在淵甘霖欽澤沛用汲豈徒然

